

廣州府志

ル 5

1212

38



陸世科

廣川府志

卷二百七

謝士章

宦績四

門 50
1212
卷 38



廣州府志卷一百七

宦績四
明

吉禮

李世英

劉灝

黎禧

何昌言

申端

朱文簡

朱道瀾

文章

李萃

盛賚汝

張孔修

趙鉞

王良心

徐震

林繼衡

鄒元忠

喻子賢

陸世科

謝士章

廣州府志

卷一百七

宦績四

陳世鳳

陸清源

林明興

唐奎

甘鏞

陸來宣

廖簡

廖如嵩

唐朝宗

黃陽

唐晨

張輅

楊啓新

徐應亨

蔡正平

楊九韶

曾紹

李鈿

萬景

王一令

吳奉 謝景暘

韓公

王重

丁積

以上增城

羅僑

徐乾

周延

陳肖鶴

何廷仁

林騰蛟

林會春

伍睿

曹學參

袁奎

陳基虞

王命璿

曾熙丙

卞應聘

黃照

鍾器

邢昭

楚銘

林潭

俞樟

蕭端升

曾禎

沈亨

朱彥達

以上新會

沙彥和

王英

蔡維溥

周頤

馮誠

朱顯

林士元

黃正色

鄧遷

馮生虞

張大猷

孟習

蔡善繼

但啓元

周行

王好善

王如春

周維持

顧其言

林希哲

楊維甫

顏階

陳鶴齡

皮瑩

鄭萬奎

周振

邱嶸

劉景濟

冲敬

彭豫

馮楚南

萬坤

金世任

以上香山

郭梅

朱端明

周文燦

陶守訓

鄭孔道

甘汝遷

閔之聞

何夢駿

高其昌

羅儀則

陸莊

鄭琛

何良弼

邱述可

劉逮

方傑

劉大節

謝式南 以上三水

邱泰

張文造

黃國彥

熊文華

蔡祐

陳宏毅

鄭兆元 以上新甯

李鐸

黃諒

周向陽

陳天德

任越

唐榮

顧瓊

揭廷直

王尙賢

張繹

王士尙

程文

劉綱

張璧

張欽

劉幼學

伍子瑗

蘇廷龍

林彌宣

胡大綸 以上清遠

劉穩

吳大訓

喻燭

陳良言

李鉉

周希曜

鄧文學

孫一仁

郭時斗

范傑

田訓武

汪鋈

周希尹

邱體乾

曾孔志

陳穀

彭允年

施孔儉

俞香

孫光祚

劉師尹

裴承袞

鄧良遇

卓有端

蔡大綸

許應甲

萬士奇

以上新安

明

吉禮精於書律洪武元年為增城知縣二年頒郡邑公署圖式於天下禮奉詔撤而新之如制三年庚戌重建廟學規模宏整時天造草昧諸務未遑而禮獨先其大者論者以為識

政體云

據永樂志修

李世英天台黃巖人洪武十一年知增城縣遂于學而通律

令知其意政事公平民皆愛之

據張府志修

劉灝江西人進士永樂間知增城縣好學有守臨民以莊在

任半年而卒

據永樂志修

黎禧陽朔人舉人成化九年知增城縣立心廉恕刑清政舉廣築甌城民賴安堵修建學校人材振作秩滿改新塗尋陞

瓊州府通判致仕卒增江士民慕之祀於名宦祠

據粵大志修

何昌言浙江人宏治元年由監生知增城縣寬厚廉靜有長

者風時賊首黃祖成據藍箕山作亂昌言請大軍討平之邑

賴以安

據粵大志修

申端容縣人宏治十一年以舉人令增城鉏抑刁頑獎勵儒學凡百廢墜煥然具舉開誠布公民樂其政遇有難事崇朝

而集奸宄戢跡豪強息聲保上理焉

據黃通志修

朱文簡字元可樂清人徙永嘉宏治舉人以教諭遷增城令

革常例金千餘兩讞獄多所平反時有峒寇侵暴文簡屢戰勝之殲其巨魁餘黨悉平

據黃通志修

朱道瀾字叔觀莆田人嘉靖四年由進士授增城知縣忠信明決曉吏事舊編徭役先以畸零作漏編所虧之額則攤諸實戶因得利其所餘道瀾至合畸零與實戶均列一籍有所餘以歸之民民心大悅倣呂氏鄉約立月會法聽民舉高年有行誼者一人為之長月率其鄉之眾會於公所令社師誦古格言一通置善惡二簿會長書其善惡之尤者於簿并獎勸教戒之民俗歸厚焉先是學宮頽廢士氣不振鄉試不得舉者凡三科道瀾以興學作人為己任大修學宮又朔望課諸生為之指授經義法日昃不倦諸生共奮勵是科得薦四人遷太僕丞尋憲嶺南行部至增增民舉欣欣若慈母之至

乃視學召諸生會講并檄縣修其所未備者戀戀數日不能去其民亦戀戀不能釋今祀名宦

據增城志修

文章桂林人嘉靖十九年以鄉薦令增城性廉靜門無私謁里胥徵收者強索耗例以媚令輒侵牟其半章禁絕之學校壇宇莫不增修而民不擾遷欽州守歷處州同知所至有遺

愛云

據郝通志修

李萃江夏人由舉人知增城學優而守潔為治清淨不擾詩律書法並佳後卒於京邸人盡惜之

據增城志修

盛賚汝字以善常熟人以舉人知增城縣體若不勝衣而蒞事明敏案無積牘吏胥凜凜時瀕海諸鄉多盜當路議盡征之遂委焉乃懸賞格密詞首惡無得脫者不濫一良民人感其德後歷漢陽知府

據郝通志修

張孔修字德成餘姚人以鄉薦試潮之大埔令多惠政尋改增城見百姓語煦煦若家人子人亦不敢干之無何寇掠城下戎服登陴指麾守禦募勇士縋城擊賊斬賊首揭之竿賊宵遁捐金以修學校祠宇而身衣垢茹蔬澹如也習俗負逋或格鬪輒仰藥以死誣人乃峻坐誣者竅俗爲之一變諸鄉多虎患爲文牒城隍虎自斃召爲刑部主事百姓扶老攜幼爭送之據潮州府志修

趙鉞字可虔長汀人由舉人授普甯知縣尋改長甯二邑皆新創百度未舉鉞單車行不攜妻子所至俱大治諸司嘉之適增缺令屬鉞來署篆鉞益奮勵斥舞文之吏而刑罰省減耗羨之人而賦斂寬民嘗有應贖而鬻其子者免之而歸其子有連負且犯賊者追其贓卽以償所負不更追也訟而請

息者聽之鞠而得情者哀矜之未幾而代者至百姓泣別江澣爲立遺愛碑據增城志修

謹按職官志無趙鉞意志職官者詳於任而畧於畧而其德有不可忘者故特於傳著之與

王良心字性德隆慶辛丑進士授增城令邑地僻民貧多剽

掠良心至賑民養士修學築城邑以大治據浙江通志修

徐震餘姚人萬曆六年由進士知增城縣以清白著聲蒞事明決增俗類以小忿輕生自經服毒震灼其情反罪之又捕奸民書其面周行里巷諸積惡黨類咸俛首自歸自是公庭無事民力寬饒有刁民越訴者上官諭之曰爾邑自有好官何得至此後卒于官民咸奠賻據郝通志修

林繼衡福建長樂人萬曆丙戌進士爲增城令宅心寬平居

官仁恕而又明習法律老吏見其文牘莫不驚憚泣事六年不事紛更四民安堵擢戶部主事去

據增城志修

鄒元忠字時效新建人少學濂洛關閩之學萬曆二十一年

由舉人知增城縣勤政愛人力持古道築學舍數十於學官

之東集諸士講學不輟邑科試士子限於額元忠請益之遂

為例丙申大饑發倉捐賑不給則又勸富民之好義者全活

以萬計於城東四十里築隄三千一百丈以除水患居五載

擢佐延平不就歸家講學晚年益邃云

據儒行錄修

喻子賢萬載人由舉人初令程鄉萬曆三十七年調知增城

首戢蠹役吏胥無所容奸至有求去者舊苦徵輸加耗子賢

革去之黠盜誣良多置不問諸自經服毒陷人者懲之風俗

為之一改以艱去邑民泣送之

據郝通志修

陸世科字從先鄞縣人萬曆四十年以進士補增城令平易

惠愛務在便民革除耗羨請裁塘兵月糧以置一切官物省

民供億秋大水禾稼盡沒世科單騎勘災發倉勸賑民感其

惠兼署東莞政聲大著擢御史去後歷大理卿

據增城志修

謝士章字含之甯都人萬曆四十五年以進士知增城縣豁

達明敏革羨耗簡訟獄禁輕生百姓賴焉先是用把總緝盜

實為厲階悉罷去計擒大盜駱亞八等捕斬二十餘人學宮

頽毀撤而新之擢刑部郎中歷廣西副使遷雲南參政

全上

陳世鳳四川忠州人少登賢書崇正二年知增城先是韓村

民被盜誣陷至四百餘人世鳳至首閱是案嘆曰蔓引若此

民豈堪命哉悉理出之歡聲載道擒賊首廖九寰黃仲積寘

之法還所掠男女一百二十餘人餘黨聞風解散陞知和州

其令增時公平廉敏境內肅然有魯中牟之氣象焉

據姓氏通考修

陸清源字嗣白平湖人進士崇正九年知增城寬平練達鞫獄使人暢所欲言而抉摘洞然不輕用鞭笞飭學宮建鳳臺鑄巨礮墾屯田練鄉兵以資守禦嘗監軍討盤古峒賊有功兼署東莞龍門從化三篆所至有聲擢監察御史巡按福建歷躋都御史後卒于兵邑人立祠祀之

據郭通志修

林明興原名明順字孝臣閩之海澄人登崇正庚辰進士初令翁源有聲調知增城一切文牘未嘗假手記室引經斷獄不拘舊例小吏持成說輒訶之凡抱贖進者悉局他室俾各不相謀呼證佐面折皆得其情兩造率贖而去性聰敏縣民一見輒能呼其名終身不忘時奉上官行保甲法裏糧詣各鄉其間若者良若者否悉在意中及有所聽斷如引燭而照

之也凡以舊例餽獻悉峻却戚屬遊客概未嘗有至增者約束胥吏使不得為暴米鹽纖悉皆出俸易之市嘗自揭三誓以誓于庭人共見之甲申饑明興捐俸市穀糶之民不便穀則糶之以米而又慮民之無所得錢也則煮粥舖焉朝夕旁午不坐堂皇者越月全活甚衆亡何博羅盜起屯劄歐陽洞逼增城明興集父老子弟守望睨間經旬未嘗少倦賊知其有備將退之背陰明興率勁旅挫賊鋒乃踉蹌走奪還被擄男婦二百五十餘人其隸他郡邑者量遠近給歸糧後賊又肆劫逕口明興復勵勁卒前戰而守禦所千戶不受成算先發軍軍士奔潰明興止之不能及從吏勸姑避之以圖再舉明興曰吾誓不與此賊俱生矣汝等欲走則亟走勿顧我言未已賊三四人持鎗趨明興復有六七人趨而前大呼曰

此林青天勿害也賊遂擁明興去日羅拜之士民數千人涕泣欲赴難有直抵賊巢者越兩日賊鼓吹前導送之出考滿入京行李蕭然擢為貴州道試監察御史主試粵西及復命道經黃埔士民欣欣若見慈母挽留至石灘盤桓數日不能去因建生祠祀之據增城志修

唐奎字景文順德人洪武初以經明行修薦授增城教諭博覽羣籍號唐書櫃湛翠賊作亂往諭之被執不屈死其子豫痛父之死建蓼莪亭聞者悲焉據通志粵大記順德南海志修

甘鏞廣西潯州人正德間由舉人補增城訓導博雅而醇厚文詞藻麗與諸生搜講藝業孜孜不倦河南戴冠為時名流謫烏石驛丞一見定交焉嘗修邑志未就陞任去尋卒據增城志修

陸來宣臨川人由乙榜署增城教諭務尊嚴師道時時進諸生為敷陳經義多與旨皆昔所未發善古文辭工楷隸書嘗作銘大書於屏以自警其辭曰翼翼鏘鏘匪我面牆內明而貞外達而臧貞以一心臧以綏履出斯入斯吾觀備矣士大夫恒誦之以為切已近裏據增城志修

廖簡崇仁人由鄉薦成化中授增城縣學教諭以文行率士與諸生相接咸出至誠提學趙瑤甚禮之嘗典福建文衡當道徵修廣州郡志士人傳誦據黃通志修

廖如嵩福建延平府南平人嘉靖丁未由選貢為增城教諭資稟端厚持論確然有君子風與人交無私喜怒士無賢不肖皆教之有貧生以束脩見却不受仍割俸以濟其匱乏課士甚勤每月常課外時督之會文為之指畫經義法人以為

真師儒也後以憂去今祀名宦祠

據增城志修

唐朝宗全州人以舉人署增城教諭負奇氣有雋才而課諸生則循循一仿蘇湖法嘗割俸金周貧生并及邑之貧者人或待之舉火有叩立應無難色無怠容飲人以和人皆親之先是學後植松數百株大將合抱日久漸耗朝宗復踵而植之至今望之翳茂猶昔也朝宗去而見思人見其所植松猶

甘棠然

據增城志修

黃陽字伯原莆田人由舉人署增城教諭性簡靜與諸生接和藹可親清介絕俗當道嘗強之署縣事每日一升堂蒞事既退閉門默坐於聲利若浼也精詩律工楷書興至即藉以自娛遷南安府推官

據增城志修

唐晨江華人萬曆七年以歲貢為增城訓導署教諭性温厚

未嘗疾言厲色尤澹於財嘗曰司教者將以範人而顧與弟子較錙銖乎

全上

張輅萬州人萬曆辛巳來為增城訓導豁達開朗倜儻有氣節事關大體率諤諤無所諱念諸生貧解橐中裝為贈

聖廟祭品壞慨然曰吾任也捐俸置之有某生坐累中危法人無援者輅獨執不可爭之縣官詞色具厲生賴以全月進

諸弟子較藝躬自評隲無爽遷程鄉諭卒

據增城志修

楊啓新福建晉江人由舉人教諭增城嚴恭謹恪無怠容無謾語庭無私謁不妄取於人平居嗜學不倦每諸生進謁必講論經義一二條訓勉不輟不問筐篚署龍門以廉平著稱遷知縣復謫承東莞子瞿峽為舉人時隨任至增後督學廣東所舊識皆惓惓不忘人以此並賢之啓新祀名宦祠

據增城志

徐應亨字伯陽蘭谿人崇正二年由舉人授增城教諭奉母之官甫入署母忽思家上書求去諸生詣其母前慰留母許之居常問寢視膳乃視公事其教人以孝為本闡明經學多前人所未及發四方來學者甚眾又嘗出餐錢以修祭器併補邑志之缺暇則與能詩者相唱和所著有羅浮集南越集人傳誦之赴公車得官便奉養乞改近地稍遷至巴州守卒

據郝通志修

蔡正平洪武間為增城縣丞正直廉介一毫不妄取於民妻子皆布衣蔬食修社稷山川邑厲等壇甚著勞績據永樂志修楊九韶字虞善雲南鄧川州人由恩選授增城縣丞丞職在清軍伍稽盈虛九韶至而諸弊肅清嘗署邑事庭無留牘咸

稱神明時巨寇蹂躪濠逕九韶躬率鄉兵禦之擒其餘黨望風奔竄又鑄巨礮以備不虞復查出硝磺無算後之守禦者皆賴之時適有建銃臺之役九韶遷清遠當行士民詣上官乞留九韶終其事不可得臨行時乃詳定規畫且出俸錢三十緡以贊成焉曰苟增人獲有甯宇余扁舟載石還矣其倦倦於增類如此士民為立去思碑後署三水縣事陞長樂知縣所至皆有政聲據增城志修

謹案增城志云巡海澹菴湯公意不可一世者也侯嘗以粵中十事陳之其一曰清狂獄及署三水湯公道經肆江忽往視之囹圄果空

曾紹廣西宣化人為增城邑簿直諒敦樸事上不諂撫循百姓多惠愛嘗奉檄監軍守要害稽出入禁侵掠而民安又嘗

與兵事除道修芟舍絞麻苧挽舟以通餉動有成緒據增城志修

李鈿同安人由掾吏仕增城縣丞慈惠廉介一無所受時方

盜警選役登陴出俸金犒守者曰丞俸有限願爾等不枵腹

而已百姓感之為之盡力郡築邏城甚急諸司檄鈿董其役

築者歌焉又從督府進討兩源及從龍賊縣使鈿往視形勢

鈿盡圖其要害以報上官異之以左轉去未竟其用云據八閩採

風錄

萬景廣西藤縣人宏治五年由承差為增城主簿知縣缺檄

署縣事甚鯁介有執徵收時革其羨餘按治奸猾不為吏胥

所撓雅意儒術建菊坡亭又于邑校建奎星亭皆捐俸為之

有儒吏風後坐誣去士民不忍別遺之詩有三年視篆無科

斂兩度徵糧不要錢之句其詞雖俚足以徵愛戴之意云據增

城志

修 王一令崇義人歲貢天啓五年為增城縣丞狷介自守聽訟

明允不為苛細檄署西甯縣篆潔己愛民釐弊剔奸直指王

業浩疏薦之令全粵諸為丞佐者以一令為法據郝通志修

吳奉湖廣人洪武二年知新會縣臨民泄政優於有為凡縣

治學校壇祠鄉都街巷皆奉所修葺治尚平易民愛而懷之

五年卒於官民無老幼哀弔滿邑據黃通志修

謝景暘陝西人洪武七年知新會縣廉潔無染撫字有方凡

有賦役必第其高下民甚蒙惠後以疾卒民咸念之與吳奉

同全 韓公佚其名當陽人建文三年由太學生知新會縣性沉毅

正直有明敏果斷才迨入覲邑人黎貞有詩送之并序其政

績據林坡集補明黎貞送韓明府入觀序畧當陽韓公辛
 已秋由胄監來尹廣之新會邑居郡東南周境餘千里徭
 鐘雜處戶五萬有奇糧賦稱是俗尚告訐強逆弗友過半亦
 劇邑也公以沉毅正直之資加以明敏果斷之才蒞政甫期
 月吏卒惴惴不敢出氣士民欣欣喜色服役罔敢後越半載
 案牘冗者清訟獄疑者決官宇廢者修田野荒者闢又越一
 紀民樂教化易告訐為禮義俗化穉穉為衣冠氓絃歌之聲
 洋洋乎盈耳德政之訟藹藹乎交作未期於野者歌於斯賢
 易於市者屢者歌於斯歌於江湖者漁蛋焉歌於山林者樵
 獵焉歌於康衢者童孺焉嗚呼公之化民成俗已不媿於劉
 昆卓茂俾居輦轂下抑強扶弱又豈少朱雲董宣之烈哉予
 忝居是邑德公之厚目公之政心悅誠服因公入觀特書其
 實以為贈至於期大器遠到則聖天子明見萬里外陞擢之
 典自簡在帝心予何足以知之既序復贈以詩曰堂堂新會
 邑僻在東南隅山川固奇勝土壤尤膏腴岡州自隋建沿革
 異代殊義甯與天臺二邑元始除境內過千里四民樂其居
 聖朝大一統九州同車書來尹斯邑者藉藉皆名儒韓侯金
 閨彥耿耿賢大夫華胄出當陽衡嶽秀氣儲瓊樹倚蘭桂清
 冰置玉壺下車親風采冠蓋來于于小試經濟術文德已誕
 敷百廢盡修舉眾務隨卷舒鯨寡既得所疲瘵亦昭蘇撫字
 未一載風俗齊魯俱兒童並走卒頌聲滿康衢洋盈耳歌
 遐邇播芳譽茲晨應大朝去謁承明廬特進金鑑錄更獻無
 逸圖愛君比堯舜古語良不虛圭峯有樵
 者謀身疏且迂贖行以言贈珍重千金軀

謹按韓公通志王志秩官宦績均不載茲傳據林坡

集補序云邑居郡東南詩云僻在東南隅均有誤蓋

邑在郡西南也又序中又越一紀紀字疑載字之誤

王重字任重安福人景泰甲戌進士七年知新會縣臨民以

莊處己以潔嘗以事忤法司羅致之獄待以刑具重曰願以

官相還毋以刑也從容不撓部民有同繫獄者身左右之重

愈矜莊自勵不交一語月餘以清白得釋天順五年卒官囊

篋蕭然教縣承陶魯如弟子後魯遂為名臣據粵大記修

丁積字彥誠甯都人成化十四年進士授新會知縣至卽師

事邑人陳獻章為政以風化為本而主於愛民中貴梁芳邑

人也其弟長橫於鄉責民逋過倍復訴於積積追券焚之且

收捕繫獄由是權豪屏跡申洪武禮制參以朱子家禮擇者

老誨導百姓良家子墮業者聚廡下使日誦小學書親為解說風俗大變民出錢輸官供役名均平錢其後吏貪復令甲首出錢供用曰當月錢貧者至鬻子女積一切杜絕俗信巫鬼為痛毀淫祠既而歲大旱築壇圭峯頂昕夕伏壇下者八日而大澍而積遂得疾以卒士民聚哭於廷途有一嫗夜哭極哀問之曰來歲當甲首丁公死吾無以聊生矣據明史循吏傳修

羅僑字維升吉水人幼有奇名年十二通文詞宏治己未舉進士癸亥壬志作宏治十四年誤授新會知縣新會故劇縣號難治僑治尚風化謂學者溺章句無本實而專內業者輒目為異端於古人甚悖迺表陳獻章之文詞行事令學者誦法朔望坐學宮講論不輟所行罷多做故事之善者甲子歲饑發粟以賑民賴之歷三年召補大理評事僑宰新會時厓山在治感

宋死事諸臣歲泛海祠焉據獻徵錄修

徐乾字健夫阮通志誤作建廣西臨桂人正德七年以進士知新會

縣操廉行簡民心信服邑與新甯接壤民之桀黠者往往接買賊牛以規厚利或於村店釀飲聚徒結黨乘醉劫掠盜熾訟繁大率由此乃嚴禁賣酒宰牛以絕盜端修山水子城以嚴守衛令民盡報丁壯立保甲樹柵門凡戶必有長都必有老使自為糾察賭博有罪游手必罰民皆信之訟平盜息于學校尤加意焉歷陞本省飭戎僉事左參政右布政使持廉秉公始終如一舉行鄉禮條約民皆賴之終湖廣右布政使

據阮通志修

周延字南喬吉水人嘉靖二年進士為新會令性耿介操守清白為政不避權要發摘撫字得民畏愛海濱之俗化戈鋌

而之南畝在任三年內擢兵科給事中邑人思之祀於名宦

祠歷尚書左都御史卒贈太子太保諡簡肅據增城志修

陳口號肖鶴未詳履貫知新會縣有威德甫下車即剔奸弊

祛強暴敬禮高年訟平盜息征斂有方招徠有道教化以行

生養以遂有健令慈君之目在任三載行取入京士庶祖餞

者徧于郊邑參政區越有序據區越西屏集修

謹按區越西屏集有送陳明府肖鶴序又有邑侯陳

後齋膺獎詩四首考新會王志秩官有陳豪福建長

樂人進士嘉靖十二年任陳士載福建莆田人舉人

嘉靖十八年任俱與區越同時特未詳孰是罔敢臆

斷耳

何廷仁字性之雩都人王守仁以提督之節駐贛聚四方君

子論學廷仁慨然曰吾恨不及白沙之門先生今之白沙也

又可失耶會守仁征桶岡裹糧追從相見於南康亡何丁繼

母憂歸嘉靖壬午舉鄉試上春官久不第辛丑授新會知縣

喜曰吾雖不及白沙之門今幸聞其學又仕其鄉吾敢以俗

吏臨其子弟耶始至釋菜於祠而後視事乙巳遷南京工部

主事據獻徵錄修

林騰蛟字士才永安人嘉靖丁未進士知新會邑賊謝大用

倚長潭盜何貳輩為聲援肆劫里中騰蛟以計平之據福建通志修

林會春字景仁惠安人登鄉薦隆慶四年知新會性剛毅智

畧過人發摘如神倭陷廣海衛危及新會會春乘城葺備累

石豎柵捍之仍檄居民各自為守倭聞引去先是倭船駐崖

山故宋忠節祠毀汙殆盡又利民間子女會春既驅之出境

而奸民許承湯惟教黃恩寵等夙與之通販掠良民子女無慮千指又或操刃雄行里閭莫敢誰何會春悉寘於法時恩寵兩子並藩掾常為耳目會春以狀聞并收之邑民大悅復行鄉約嚴保甲設捕兵禁聚賭行之甚力兩臺交薦之以治行第一賜宴禮部尋擢戶部主事時外城未築瀕行猶切念不置後令因而城焉據郝通志修

伍睿字用思全州人萬曆間進士新會知縣興學校恤民隱弭盜破奸人以事至一見即能記其姓名與所言事歷久不忘以故人不欺欺時山寇海倭充斥睿謂不築外城何以保障乃集眾計工程審形勢均力役凡建城九百餘丈民不勞而事集上官籍其贏金睿無以應竟以此去士民為立祠於

象山據廣東名宦志修

曹學參字惟齋全州人隆慶丁卯舉人累官連山知縣有異政調新會近海多盜募壯士緝之寇聞名相戒無犯曹使君境修陳白沙祠為置祭田民間舉子皆就學參命名考最為天下第一以疾乞歸民間畫像祀於三賢祠所著有梅崑集

據粵西文載修

袁奎字文卿豐城人萬曆八年以進士令新會時年甚少至則執簡御繁不事更張而政平訟理會詔度民田奎親履田間酌其盈縮差為三品不求羨以累民不虧額以損國民利賴之建祠祀奎及陳基虞王命璿為三賢祠云據郝通志修

陳基虞字志華同安人由進士授南雄府推官萬曆二十八年新會令鈕光斗王志作應魁以附璫虐民激變時邑民洶洶兩院特檄基虞撫安之及至痛民倒縣多方撫卹時方增重餉

急催科基虞悉心調劑為民請命民賴以安數月代去百姓
卧轍攀轅扶老攜幼擁不可行百十年來未嘗有此邑人祀
於三賢祠據阮通志修

謹按新會志云阮王二志秩官祇有鈕應魁無鈕光
斗當是名應魁字光斗

王命璿字君衡龍巖州人萬曆甲辰進士按君衡王三十三志作虞石

年知新會縣治尙拊循寬徭均賦刑清政簡為士民所親愛
五年間百廢具舉修邑乘建凌雲塔見龍樓化龍橋幹旋地
運士多蔚起以治最召去民懷之奉祀三賢祠尋擢御史巡
按廣東嘗行部至新會老幼擁道歡迎憶車至不得行乃進
父老與言情如家人父子為留十日始去仕終刑部尙書據新會志修

曾熙丙字用晦侯官人舉人萬曆四十二年知新會強幹有
智慮善發奸摘伏以能吏稱嘗有羣盜聚黨方謀行劫熙丙
已先調知遣役遽入其舍擒之自是盜賊屏跡去後民為立
祠據增城志修

卞應聘字蓮生丹徒人崇正五年以進士知新會性廉正飭
僚屬戢胥隸禁遊賭風教肅然瀝口蛋賊屢出剽掠應聘開
誠撫之四境獲安一夕夢城隍揖請代已寤告家人曰吾其
死矣方升堂決事遽卒百姓為之罷市因立祠縣左歲時致
祭焉據郝通志修

黃照字友菊贛州人洪武間由監生任新會主簿謙恭禮賢
卑以自牧才抵任卽詢耆秀曰邑中年高有德儀範鄉閭可
表後進者吾尊之敬之有侖儻奇才識達治道不迂不佞篤

志好學者吾愛之重之將請益焉既得其人則挾經史遍造其廬講論不輟貴賤兩忘三年如一日及去祖帳者如雲

貞贈黃主簿榮滿序古所稱豪傑者惟能謙恭約己而士歸之夫士天民之秀由義居仁通常達變可以紀綱治道可以尊主安民彼豪傑隨左右而咨之無所施而不可所以見譽於後世也若王導渡江禮布衣之顧榮桓溫入蜀謁捫蝨之王猛徐孺一處士也而陳蕃盡下榻之誠劉易一書生也而狄青甘折節之辱彼謂不如是不足以得士之心而士歸之則下民之從如水之赴壑也是故元臣宿將而士猶與之抗禮况其下者乎後世始得一命若蟻蝨臣者則所挾如趙孟之貴自視其巍巍此士之所以日遠且卑而居下位者無豪傑之稱也吾不意謙恭約己乃於友菊黃公見之黃公顧士也育才成均有年矣一旦蒞新會坐席未溫輒詢者秀日年儻奇才識達治道不迂不佞篤志好學者吾愛之重之訪得其才或師友而請益焉既而執事者類舉其人以白公挾經史遍造其廬講論不輟貴賤兩忘若無所挾嗚呼人能操無欲上人之心而人欲日消此先哲之格言也今公能謙恭禮賢卑以自牧若此於從政何有故處三載如一日茲行人觀報政士友祖帳江津如雲感其遠別而冀其復來也命圭峯樵叟黎貞為之序又黎貞贈黃主簿照詩黃侯才氣重如山佐治琴堂政不繁三載簿書淹矮屋一朝鳴珮筵朝班孤

舟載月離能海匹馬西風度庾關此去定應承顧問好將經濟答龍顏

謹按新會志云王志秩官有主簿黃照林坡集作昭疑誤考黃昭乃元知縣已見上

鍾器富州人嘉靖四十二年由歲貢生任新會主簿時近縣山賊交亂八月忽劫沙頭破西郭僂居民署縣推官李有年養兵數百止以自衛不令禦賊當道聞之亟命推官周標代焉標復委諸知縣杜某杜悞懦無能賊猖獗益甚遂由西而東流劫都會江門諸鄉民兵逡巡氣餒器忿甚單騎抵賊陣曰甯殺我毋戕吾民賊稍懼引避之當道以其能命典巡捕即請召廣西狼兵躬率訓練分守要害賊勢少沮城野甯謐復率狼兵搗賊民俱德之據新會志修

刑昭洪武八年司新會稅課貧而能廉介而有守月支俸餼

粥不充或日中無食人遺之米亟令持去語妻曰甯飢餓以死不可受滿去囊中不足以治裝人復遺之竟不受及嫁女

廣州畧藉其貲以歸其狷介如此據粵大記郭通志修

楚銘河南邳縣人任新會潮連巡檢甫歲餘莞賊黃秀山亂海上上司檄取橫江船往捕之縣委銘督其役至萬山洋與

賊遇遂奮鬪沒於海縣尹張文鳳聞而傷之躬臨弔祭給米贍其家再閱月子若婦俱痛悼以歿未半載妻亦歿僅存一

妾李并遺腹一子文鳳請當道厚恤之取衣冠偕妻王氏葬

黃坑原據王鵬楚巡檢墓志修

謹按新會志云楚巡檢墓志立於嘉靖壬辰同時立

石者縣丞陳忠主簿莫簡典史陳天球皆見縣志而

獨無巡檢楚銘之名何也

林壇字世榮王世作世麓莆田人嘉靖初由舉人典教新會阮通志職

官表及王志作純心篤行內和外剛一介不輕取予教人以

孝弟忠信為本諄諄啓迪雖大寒暑不倦闡明經學多前人

所未發士之貧者每資助之邑俗尙鬼神好祈禱壇審覈祠

廟不入祀典者斥毀之教成行尊士風翕然嘗三典文衡俱

以得人稱督學歐陽鐸褒稱博士第一尋陞南雄府教授程

鄉知縣所至有聲人皆俎豆之據新會志修

俞樟字一木浙江崇德人嘉靖二十六年由歲貢任新會教

諭性嚴毅有識量嘗搜表邑先哲烈女以勵世風師道自立

約束諸生守督學條約小有怠弛輒升堂戒諭無隱士以是

敬服之皆遵其教切磋於實學者先後相望也諸生有貧者

輒捐俸以助喪葬歷五年士皆翕然歸重尋引疾去大吏慰

留之去益決據新會志修

蕭端升字日階潮陽人少從羅念菴游舉於鄉授廣西羅城知縣萬曆八年改新會教諭日與諸生講求江門之學集六約以迪士士翕然興起按求陳白沙遺稿定黎秣坡文集梓行之尋擢瓊州府教授喜曰嶺外之學惟陳邱兩先生而已吾皆得任其鄉幸天不使孤吾聞也及行諸生依依不忍別有負笈涉海以從者據新會志修

魯禎字邦瑞會稽人正德四年由監生為新會縣訓導性醇厚恥言人過教人必先砥行士風漸美陞山東福山教諭懇至而禎已先沒矣妻亦繼亡生徒如喪父母哭之甚哀貧幾不成殮士民哀錢賻之始扶柩歸浙多士思之不已請祀於名宦祠據黃通志修

沈亨字體敬福建晉江人嘉靖三十五年由歲貢授新會訓導嘗謂學莫先於為己為己莫先於毋自欺毋自欺莫先於別義利未逾年士咸率德署新甯教事化行如新會雖庸夫小子亦知有沈先生云居官常祿外不苟入猶推其餘以卹貧士至歲時餽遺輒還之曰吾食祿公家視爾輩清苦若何教諭陳元舉卒於任竭力賻之門人田揚分守海北至學宮執弟子禮亨諄諄告語若平生致餽拒弗受有武生羅法賂四百金營球弗視也居常持敬按院視學定生徒進見之儀至今循之日與陶益黃孚輩談名理至夜分不倦五載進廣西宜山教諭未幾致仕歸行李蕭然過五仙城會甯兩邑生徒追送數百里歸數載卒萬曆乙卯祀新會名宦所著自養正錄庠諷易解外又有卦畫圖論孟說太極圖解啟蒙疏存

稿等書據新會志修

朱彥達洪武五年任香山有才幹愛民下士奉公不擾卒於

官據香山志秩官注修

沙彥和洪武九年任香山廉明剛勁時庶事草創凡所規度

者皆可垂為定制十一年滿任上全

王英莆田人監生洪武二十七年任香山廉幹愛民卒於官

上全

蔡惟溥泉州晉江人永樂三年由進士擢知香山縣性純篤

喜怒不形勸勉學校撫集逃民時邑有三虎為患惟溥率民

捕之虎患悉除閭里以安任滿邑民保留不果後陞知欽州

為政如香山尤切切於撫字州治稱平據粵大記修

周頤東陽人洪武二十九年以監生知香山縣勤于政理善

於撫字民甚懷之決斷滯獄囹圄為空撫徠逃民田野盡闢

夏秋三稅不待督責及瓜而去老幼攀轅留之不得改知藤

縣陞工部主事據黃通志修

馮誠浮梁人永樂辛丑進士宣德元年知香山縣威而不猛

寬而有制廉而不劌得牧民之道時海濱沙田日增豪右占

據興訟連年誠為斷之其訟始息儒學自元左祥遷復後雖

時有修葺率皆因陋就簡誠倡諸同僚及邑人士大為修治

煥然一新旋以外艱去民尾舟送至庾嶺而還後擢監察御

史累官至湖廣按察使據香山志修

朱顯延平人成化十四年由舉人知香山縣性敏捷政尚扶

弱抑強積年健訟十餘輩終任不出解字橋梁經其營建者

皆可久遠吏民不欺軍士之悍戾寄庄之豪狡咸不敢肆據黃

通志

林士元字世仁閩縣人正德己卯鄉薦知香山縣寬厚慈愛每聽訟怡色柔聲盡得其情縣學宮在蓬萊山下科第久缺為改建城中自是科名相續士元母老適當道檄士元案卷諭意索賄士元奮衣起曰浚民脂膏以奉上死不為也即疏言母老乞改教職授潮州府學教授怡然就道當道尼之僅

遷周府番理不之官致仕而歸

據八閩採風錄修

黃正色字士尚號斗南其先江右人本姓廖因亂遷江陰易姓黃嘉靖戊子中鄉試明年第進士尹仁和未滿歲丁憂起復補香山改南海三為令尹其政若一大概以誠信不欺為本以廉靖便民為務才識通敏剖決如流發奸摘伏出人意表香山之墾田多他邑豪右寄莊戶糧至萬餘石遞年逋脫

糧役貽累里甲代償民積苦之正色詢知其弊請令寄莊戶各就近輸納香民翕然稱便南海百務叢沓正色蒞之閱月而積案盡清晝間無事輒鼓琴自娛正色之選香也實座主南海霍文敏韜薦之迨令南海諸霍氏喜以為必庇已而正色秉正不阿霍氏有違禁者一繩以法無少縱諸霍氏愬於韜冀激其怒韜顧賢正色致書曰令宜如是於是正色得以督察霍氏諸霍氏知自戢卒底於善正色喜曰吾可以報矣邑有權貴人過氏者勢張甚人爭下之正色獨捕其豪奴寘于法里民相戒曰舉主如霍家貴人如某氏黃侯皆不貸吾儕其敢犯乎在南海二年教化大行咸歌誦之用薦擢監察御史嘗劾駙馬崔元內侍鮑忠不法反為忠所誣訐逮赴論死適韜以南宗伯召入謂刑官曰鮑忠不法兩臺結舌言之

惟正色一人何乃阿權璫殺正士乃獲減死謫戍起歷少卿

據阮通志修

鄧遷字于喬閩人嘉靖丙午以舉人任香山知縣里胥書吏迎於途皆拒絕其贄一邑肅然比至政教兼舉尤重學校縣治後有仁山為豪猾所占捐俸贖之修建書院集士子講學其中邑多寄庄立為順德新會等都他邦所無也前縣令黃正色固能吏猶移文取徵至是聞風不召自來各令推才幹一人為領袖賦役皆完治行為諸邑最新會豪民趙恒修奪人田督府歐陽必進檄往三竈勘之遷丈出餘田一十五頃有奇歸預備倉以備賑濟必進獎其賢能移文十郡以為守令法陞嘉興府判瀕行吏以例得柴薪銀歸之遷益以俸金令里胥市牛酒勸耕農及周老而貧者深山窮谷莫不感動

為立德政碑于石岐頭撰文者都御史李義壯也邑民至今

思之據黃通志修

馮生虞字德卿大足人進士萬曆九年知香山有清操遇事明敏庭無滯牘獄無冤民巨姦皆聞風匿跡時奉檄清丈單騎齋具不費民間一錢造魚鱗歸號冊籍不爽尺寸國計生民皆利賴之以最擢臺諫有骨鯁風據郝通志修

張大猷字武程楚黃人也萬曆乙未進士初令徐聞二十九年以才調香山縣會稅璫李鳳謀駐香山大猷抗言曰香山彈丸孤邑近海瘴癘誠非稅使所宜且番情叵測萬一犯及命使如朝廷威德何璫沮而止諸大吏咸避之未幾奸人附璫羅織邑民四十餘人璫命私人往逮大猷不可俄復有人誘璫採礦璫集亡命千百分踞諸山淫掠橫行大猷密白制

按立擒首惡置之法居常廉潔自勵以教化為己任建育英館課士聽訟平恕每以天良開諭之滿六載以治最徵邑民

追送累日後官至按察使據郝通志修

孟習孔字魯難武昌縣人少補諸生有重名登萬曆乙未進

士授香山令其地番漢雜處嘗以互市起爭孔單騎諭散調

吳縣以績著歷官至太僕卿據湖廣通志修

蔡善繼字五岳湖州人萬曆三十六年以進士知香山嘗端

坐堂皇若不營一事而堂上下肅然發摘若神好訟者相戒

匿影甫履任即條上制澳十議未幾澳弁以法繩番目致叫

囂叵測善繼單車馳澳數言解散縛至堂下笞之故事番人

無受笞者獨善繼廉介素為番人所服又臨事控馭有方故

遂弭耳受笞而去後徵入郎署出為嶺西道適兩粵總制何

仕晉下令墮澳城臺一切機宜悉籌於善繼香之民蓋始終

受其庇云據郝通志修

但啓元號五廬星子人萬曆四十二年由舉人知香山有惠

政先是鹽場日削竈丁逃亡者多丁額猶循舊版至有一人

而兼數丁者即徙之他業仍責其課啓元為之清審力請得

除九十七丁歲免代輸銀四十五兩有奇竈民慶為更生據

通志修

周行字鹿野龍溪舉人隆慶元年任香山廉而惠以寄庄逋

逃請陞邑為州順德縣爭之不果時夷商麗處澳門蕃舶至

盤驗有例金峻拒不納惟禁水陸私販及誘賣子女等弊而

已祀名宦據香山志修

王好善字性夫廣西藤縣舉人令香山城東北福山下學宮

隘而就圯好善毅然以改遷為己任復蓮花峯下舊址庀材

鳩工好善俸措居多上全

王如春湖廣武昌人萬歷四十六年以進士知香山縣事有兼人才甫下車即召諸吏試以律算小有紕繆必立摘之已而試諸醫及堪輿家術不精者悉驅出境曰無令此曹誤吾民也捕險健訟民置之法下令曰凡訟必以情涉偽者先治其誣然後視事曲直由是無敢欺者一時稱為能吏其試士也必自為文以為多士式燕邑之縉紳必吟咏終日舉觴引滿蓋其意氣自命多如此據香山志修

周維持字爾調金壇人萬歷己未進士泰昌元年任香山樂易親民喜造士設仁山書院課諸生有仁山會課稿辛酉邑舉鄉薦五人一解額一連榜進士皆其首擢士上全

謹按周維持各志職官俱作天啓元年任存參

顧其言字公綸上海人崇禎庚辰進士是年任香山時御史柳寅東按郡丰采峻肅下吏憚之其言直陳地方豪猾民隱艱難立談移日猾吏聞之逃匿吏治既肅乃敷文教士一經拔識如登龍門焉縣城故庠薄其言捐俸增築甕城城外建臺自顏曰鬱金曰來青嚴保甲盛守禦備鄰境亦賴以安歲飢出積儲勸賑恤荒不為厲事聞詔進給事中去之日士民遮留塞路如失慈母云據香山志修

林希哲莆田人舉人宣德二年任香山教諭文行兼優和易雍容人樂從之隨賢愚皆自取益嘗倡修學廟未成而卒在任四年士風丕振祀名宦據香山志修

楊維甫長樂人舉人宏治十一年任香山教諭文學優長勤

於教誨鄰邑士聞風相從在任九年憂去據香山志秩官注修

顏階字德升龍溪人正德十六年以舉人為香山教諭莊重

醇雅克副師範首建遷學之議繼毀淫祠以立社學禁師巫

以崇正教嘉靖初與修武宗實錄辭極精確提學副使魏校

開席講學委階督諸生聽講階坐無惰容言必中節校特加

禮遇巡按御史徐敬以異材徵焉嘗攝縣事廉幹卓有餘裕

在任七年擢貴州印江知縣祀名宦據香山志修

陳鶴齡惠州舉人崇禎十年任香山教諭醇雅蘊藉每諸生

進謁略去繁儀講文義竟日無倦色其有不能供膏火給喪

葬者恒捐貲佐之飭士習勤會課以砥礪名節為己任上全

皮瑩吉水人儒士正統六年任香山訓導長於議論尤精於

理致時曾賢盧瑞自負文學一見瑩皆爽然自失卒賴指授

以成據香山志秩官注修

鄭萬奎長樂人舉人正統八年任香山訓導嚴毅方正長於

文學陞廣州府教授祀名宦據香山志職官注修

謹按申暴二志作永樂人今據陳璉學記改正考璉

記則八年任亦誤

周振南靖人歲貢宏治三年任香山訓導學行俱優非公事

不輕至邑遷學宮於蓮峯捐俸構樂育亭於宮前聚徒講解

陞感恩教諭祀名宦據香山志修

邱嶸龍巖人歲貢正德五年任香山訓導卓有師範到任未

久即捐俸易櫺星門石柱宮墻煥然改觀校士必面訂甲乙

凡經指授者先後悉登高第諸生有不能給膏火者輒厚贈

之尋陞東陽教諭士人挽留不得立去思碑祀名宦據香山志修

謹按香山志云表正德四年任又易櫺星門石柱據建置門學校為知縣梁榮事與此異未知其審

劉景濟福建人人材洪武十九年來為香山丞性寬政勤薄

以自奉厚以愛民二十二年憂去據香山志秩官注修

冲敬謹按郝志作仲敬香山縣丞縣治徙在蓮峯經兵燹而廢敬訪

在城故址經營解宇縣治既成百務悉辦流移四集狂寇倏至敬率民捍禦寇乃遁去縣民賴敬以安竟以勤死廣東行

省參政周楨為文祭之聞者感動據明史周楨傳修

彭豫字與志泰和人南雄守嘗辟豫教官全州守奏豫才行可用徵詣京師皆以疾辭後數年始就聘萬安訓導以上書言事擢香山丞香山在海島間地遠而俗囂前之為縣者治率尚猛豫一務寬施訓以善道久而民益化服沿海諸衛屯

兵暴橫為民害往往擇民膏腴田誣以荒廢據占自利郡縣不能制豫獨毅然曰此細民所資以供公賦給私家者且奪民欺上著在國典有不還所侵田必執不貸兵知不可犯悉還之民縣有大猾恒持長吏短長搖撼以騁豫悉捕寘諸法奸宄斂迹海寇常掠民婦女貨貨出入倏忽不可蹤跡民苦之豫設方略教民掩捕迄豫去寇無入境者瀕海歲旱衆禱不應豫自外來曰豈有為文具而能格天者乎即自齋沐致禱越二日大雨霑足明年復旱禱亦如之縣民舍火且延及官解豫叩頭嚮之風反火滅民習不樂學雖久立學官生徒廩食十數年有不能通知語孟章句者豫暇即詣學督視諸生啓諭誘掖之不數年有與賓興登仕版者民始知學之貴在官六年年已七十以老疾乞致仕既得請未歸卒于京師

永樂六年也據獻徵錄修

馮楚南洪武三年任香山典史按牘清理贊政有方據香山志秩官

注

萬坤南昌人嘉靖十一年任香山典史賦性剛勁好誌奸慝

據香山志修

金世任字泰元浙江義烏人崇禎十四年任前山參將以威
信為澳夷所懾服與縣令顧其言協和共事嚴飭士伍毋敢
厲民軍士經其節制無不以一當百是時連歲荒祲沿海諸
鄉間相聚為盜世任曰是豈民不得已耶每奉上檄追捕馘渠
散脅多所存恤據香山志修

郭梅江西吉水人舉人嘉靖十八年來知三水心存慈愛為
政不擾民到于今稱之據三水志修

朱端明福建莆田人舉人嘉靖二十三年來尹三水沉重敦
慈臨民誠信禮賢士大夫如恐不及邑民何葉盛妻陳氏自
十九孀守年逾旌期月給絹米獎異之及其卒也遣吏致祭
庠生陳峻柏者母羅氏守節未及旌年為立傳以俟之凡所
措理一一皆留心風化邑民有能以禮義率族者莫不隆禮
待之又新橋星門砌縣前街植河旁樹至今林木成蔭人以
比甘棠云全上

周文燦號肖巖福建閩縣人舉人嘉靖三十一年來令三水
心存清淨政尚廉平邑初置百度草創至則首設祭器以正
從前簡陋捐資修理學宮諸所廢圯槩撤而新之邑當衝要
每部院會宴供億繁難營行臺于河旁無復臨時鋪陳彩帳
之擾立演武場創迎春亭建庫樓皆手經理三十二年大羅

山賊焚劫胥江文燦以單兵退賊三十三年西山流賊復屠胥江賴文燦至得稍全有兵獲私鹽爲有勢力者家人不以情撓法竟麗于罰諸所不便于民者毅然去之後以材薦調

六合縣去崇祀名宦

據三水志修

陶守訓字允徵號望沙廣西平樂人舉人嘉靖三十八年來令三水治存大體其始至也邑河下有抽分廠商苦之直于巡按卽力爲申罷所條議立千戶所添里圖革冗員裁吏役防倭寇皆悉心力邑西二十五里爲竈岡圍計田數十萬畝居民數千家介于西北二江間潦溢堤頽親履經畫築之視故堤高數尺厚倍之法自己出至今呼爲陶公堤邑之良岡鎮在高要壤內時苦甯浪流賊申議築土城請其鄉之致仕鄧國賓董之舊于城外東偏築二台一祀山川一祀社稷二

壇并列于禮弗稱乃改立壇壝祀社稷于城外之西南祀山川于城外之東南立三江書院以淑士又以邑編役太重而舖兵率皆冗設且因公文已入驛遞可以裁減乃申議裁其冗者減編以寬民自置邑來原以民壯五十名守胥江巖石營後巡按察某謂界屬上游地虛無衛增壯額五十名協守民稅加編里排苦之迨是時安戢久矣乃申議巖石營壯槩撤同城以胥江司弓兵分二十名守界牌地方遇警飛報分枝策應民又賴以減編凡爲政皆先定規模而後從事不爲小惠尤加意士類篤行鄉約部使按他邑輒誡其令曰汝如三水之陶則可矣政通人和乃集庠士輯縣志存實事不治文辭李公義壯謂其爲政有本治邑六年擢去民爲立碑縣南門志去思崇祀名宦

據三水志修

鄭孔道福建閩縣人舉人嘉靖四十三年令三水剛正廉能不假借近習不徇情權勢讞決之案每朝造而夕剖故當時質成者有斗米鄭之稱以不苦留難也其節用愛人者見于夫單之立其輯境安民者賴有賊首陳階李玉之除經知縣虞瑀申請名宦以時方顯庸未艾府議身歿另申至

國朝康熙四十九年知縣鄭玟詳請崇祀名宦

據三水志修

甘汝遷廣西富州人選貢萬曆十九年來知三水縣事儉樸慈祥所服衣冠澣濯不棄單騎講六諭躬親解說必使衆志曉白不為虛文加禮者年猶屬意子弟之雋穎者撫摩樂育令人父母親之邑大旱積誠為文祈于城隍神三日不雨乃自繫以禱須臾滂沱四徧時人謂之真甘澤園土裁疫必躬禳之胥水賊蛋麥孔陽等夜則十蛋啣尾夾以長桅遠望之

如長船衆力操之其捷如飛遇負艘往來無不得者殺人擇深潭沉之尋拆桅復為小蛋官兵截捕竟茫無賊踪如是逾年道路苦之汝遷廉得其情親往詰之召善沒者至潭撈骨為證潭深不可盡沒為焚香告天執沒者之手誅批之曰取骨伸冤遂踴入咸抱而出蛋賊盡平每或公事至會城他邑有疑事難決者上臺悉以委汝遷留駐海珠寺逾月鞠理有業箕者為人家整補舊箕箕斷自傷其腹而死誣告人家刺殺之沉獄數年為詳察白上臺出之合郡悉頌神明其為政要多類此崇祀名宦

據三水志修

閔之聞字德懋號中孚四川仁壽人萬曆庚戌來尹三水初至捐俸修學革耗甦民捕獲真盜保護良善一時賴之水災親勘暑雨不以為勞修葺墟基多所捐助凡文廟及羣小祀

牲帛器皿必周省祀對越必嚴趨踰必謹中規中矩務為諸士之範尤扶植士氣有廩生陳羔性素醇謹為橫弁林魁率兵王忠王漢毆辱侯特為通申正法一時強暴惴惴屏息至左右胥役動以守法相誠不敢為奸後知桂林取道三水士民爭買舟願得一見為立祠城內南門之東以祀之至

國朝康熙四十九年崇祀名宦

據三水志修

何夢駿字履梯福建晉江人萬曆甲午舉人四十三年任三水初至縣集官吏視庫藏空無一物藏中椽柱又敝眾駭謂宜申聞侯視敝椽蟻蛀也土異色而鬆怪之即呼鍛者以付之購尋獲白金如故額人服其卓識夢駿居官清慎法有操縱期便于民事無大小悉殫其心常建學宮前天衢雲路二坊邑故多盜嚴緝捕而慎攀誣民始安枕觀察黃又謙常親

行縣察追徵櫃貯耗多寡率無羨歎曰三水賦法冠一方矣

言之兩臺益重之云

據三水志修

高其昌號吉生浙江臨安人由舉人任三水蒞事之始首立相觀社以課造多士邑之貢于鄉如劉明新吳賡元何嘉元何瑗有皆其所作養者先是奉徵餉于縣以縣之大小為額前縣吝之是年考入儒童本邑遂以小縣額取其昌董事即捐餉補解中縣之額以復時又奉稅間駕力請減以恤貧戶其冰蘖自凜以為固然旋膺烏府刻薦陟延安郡貳邑人攀轅哀號越數十年至今口碑猶嘖嘖云

據三水志修

羅儀則字鶴在江西南昌人由歲薦廷對稱旨特賜進士出身令三水為人古樸悃悃無華履任之始諸務未遑先行課試每月吉讀法後即進諸生于學取經書而訂論之多士環

以聽咸謂文翁橫渠先哲復見云辛巳西潦決大路實延浸直抵南順儀則請于制憲沈得行賑濟連月舍郊督率築基是秋書大有焉復捐俸建廟于堤買祭田以供歲祀至如開文明門築青雲路建文昌閣皆竭力經營以垂利賴後竟以樸率去官怡然也所建有遺愛祠二一在河旁廟右一在青雲菴邑人迄今猶尸祝焉據三水志修

陸莊浙江嘉善人嘉靖四十年主三水簿宅心仁恕立政寬宏訟者咸願質成衿儒亦喜作興歷任逾年以疾辭歸臺司嘉獎士民感慕不置據三水志修

鄭琛福建晉江人歲貢嘉靖十九年陞三水教諭天性温厚學問淵博日會諸生講論剖悉理奧窮年不倦甘清淡厭侈靡之習忘物累無出位之私歷任二載致仕後二孫連登科

人以爲厚德之報云據三水志修

何良弼江西東鄉人嘉靖三十一年諭三水學學問優長持身端謹誨人不倦多得士心御史王加禮獎勸儒林至今高據三水志修

邱述可保昌人歲貢天啓二年任三水教諭學問淵源不得窺其涖而言規行矩冲和自得貧士贊修還之作書金同時司訓者皆嚴苦以邱爲太寬而邱恬如也泮池始鑿實身任其事陞本府教授諸生至府考試皆齋芻果往候請教無虛日至今思之據三水志修

劉逮江西萬安人歲貢嘉靖五年任三水訓導卻貧士之餽嚴程課之期奉文委拆淫祠不惑禍福卽以淫祠改爲社學至今四境絃誦嘉惠不絕云據三水志修

方傑江西新建人歲貢嘉靖七年任三水訓導持身以先哲
自律教人以敦行為先燕閒手不釋卷屬文輒有新裁在任
六年陞蕭山教諭上全

周向陽湖廣道州人歲貢嘉靖三十五年任三水訓導志向
端而行專守己學術正而教足率人非公事不入公門日與
諸生講德論道士類傾心厯任七年始終如一上全

劉大節德慶州人歲貢萬曆四十四年任三水訓導居心平
易接人和霽怒色疾言不入于諸生耳目諸生每見靡不留
歡終日談論間曲盡鼓舞樂育之意曾述少年隨任偶遭覆
舟一念孝思感動天地竟獲安全則其積德回天非偶然者
以高壽卒于家諸子有聲庠序人咸謂盛德之報上全
陳天德瓊州人歲貢萬曆四十五年司訓三水為人廉潔自

好淡食粗衣為諸士式論文課行外他無所及貧士贄節固
却不受自云食祿雖薄亦差強諸生有廩生何兆偉起學帮
補念其貧盡免束修之禮光廟賓天率諸生痛哭如儀中夜
言及猶隕涕不止蓋所為古君子也上全

謝式南字復申潮州府揭陽縣人由貢生來諭三水教事真
誠雅素平易近人諸生謁見講經談義終日不倦每月吉命
題課藝篝燈評閱夏暑冬寒不輟有司之事絕口不道貧士
修贄一概不取惟紳士或橫被詿誣則力為申雪如同已溺
事在學校知無不為為無不力如改照墻填前塘以興文運
皆力勦厥事與邑侯相與以有成功在後世者也上全

任越甌甯人監生宏治十二年授新甯令邑治新建百務叢
集諸所經營不辭勞苦創建之功居多焉據新甯志修

邱泰莆田人宏治十七年以進士授新甯令性行剛果泣政仁明決訟如流一月而政務清理時有三四滯獄十年不決泰至即平讞之境內豪強屏息盜賊潛消民以安堵未幾丁外艱去城中無大小咸哭于舟次至今言茲邑賢令必以邱為稱首云

據阮通志新甯志修

唐榮全州人宣德乙卯舉人正德中知新甯時縣治燬于兵火榮奏徙縣治城池壇廟學校道路皆其創造百廢俱興規畫咸當

據阮通志修

張文造古田人舉人正德九年令新甯才識明敏嚴恪有威先是縣境盜賊竊發鄉民卧不安席文造至革去總甲設鄉長以統攝之又立各村長以分理之朔望關報其鄉動息民間少有不法悉先知之以故令行禁止盜息民安踰年卒于

官人皆撫掌歎曰天假張公九年邑可無事矣

據阮通志新甯志修

顧璦錢塘人正德十四年以舉人知新甯小心敬慎操履端方視事之始知民傲于兵加意愛養越明年剿捕師至兵備王大用委鞫所獻囚虛衷淑問一無所爽未幾病卒百姓愛之

上全

黃國彥字士美一字觀石晉江人萬曆八年以舉人授新甯令明敏仁慈均田之役躬親履視吏胥不得為奸東郊河水浸城築層隄以捍之政餘進諸生誨以經術不倦

上全

揭廷植江西廣昌人萬曆十二年以舉人授新甯令清介勤敏訊獄務盡下情在任六載陞成都府判未至遷王府審理邑民立去思碑

據新甯志修

熊文華金谿人以舉人先任成都縣萬曆二十九年來任新

甯下車修學宮壇廟及城池公署即碧溪石橋亦捐俸成之有颶風覆番舟于上川鄉人撈所覆餘物事聞中貴追逮文華保全之上川人謝以二百金不受多惠政民愛之建祠監碑以志思焉上全

王尚賢龍巖人萬曆四十年以舉人授新甯令抗直不撓他邑勢豪欲魚肉邑民卒不得逞政簡刑寬而民不犯三年卒于官子命璿進士巡按廣東來為置祭田立祠城西上全

蔡祐晉江人宏治十五年以舉人授新甯教諭宅心光大積學優長時明倫堂以雨潦圯即捐修之創講堂一區于官廨之右每日正衣冠與諸生端坐隨材高下示以進修之方敏業者獎弗率者責多所造就以丁內艱去歿後祀名宦上全張繹浦江人監生正德十四年任新甯教諭純心育士好學

不倦與士子講紫陽之學學者翕然宗之嘉靖癸未大征監督參政葛浩委以兵事奉公守法不枉一人凱旋日行李蕭然病月餘目瞑將逝其子繼文自浙來省張目與語良久方瞑人以爲善感所致上全

陳宏毅晉江人嘉靖八年以舉人任新甯教諭優于文學性行端醇捐貲創屋三間集諸生會講生員陳介貧甚輒以米助焉多士慕之上全

王士尚合浦人歲貢萬曆十二年陞任新甯教諭性端而雅學博而正宵旦誦讀不倦訓士斤斤繩尺于聲利淡如也先是學中祭器未備書籍廢缺至即捐貲置銅爵一百二十有四及香爐花瓶籩豆之屬陞貴州定番學正竟恬退歸里士咸頌之上全

鄭兆元曲江人貢生萬厯丁酉任新甯訓導博學好古于書無不涉獵坦誠樸直訓士以實行却貧士贊士敬慕之于學宮多所捐修陞陽春教諭去之日諸生及父老製錦以送從前所未有也上全

程文正德中令清遠整飭兵備鎮靜雅重不啓釁貪功時當

路議征清遠山寨文正堅執不可曰大將軍興各鄉搖動未

殺一賊先殺庶民吾不忍也竟止賊亦感化不敢犯修學校

課農桑罔不加意以禮致政人服其高據清遠志修

李鐸洪武年知清遠縣勤于政事明刑均賦吏胥無敢欺創

官署修學宮悉捐俸為之時稱賢令上全

劉綱麻城縣舉人成化乙未知清遠縣歲飢賑濟有方民賴

存活創闢學宮規制宏壯均賦役勤撫字士民思之立遺愛

亭於遞運所前據清遠志修

黃諒江西豐城縣舉人成化庚子知清遠縣莅政公勤臨民

平易人以爲識體而捐貲修學尤惓惓焉上全

張璧浙江鄞縣人宏治庚午知清遠縣愛惜民財振作士類

城池橋梁殫心修理以清慎自矢卒于官民思之上全

張欽江西南昌縣人正德八年以舉人知清遠縣性資雋爽

操持廉介修舉弗倦決斷如流廢墜悉舉尤長于折獄上全

鄧文學馬平縣人隆慶中以舉人知清遠縣改建學校士林

多之尋撫剿猺獞有池水之捷民賴以安據清遠志修

劉幼學西粵宜山人知清遠賦性剛果才足有爲神宗時巨

璫四出權粵稅者李鳳也以清遠礦沙議開之公面陳利害

直止其事有汪委官督稅清遠張勢噬人伺其大姓數人欲

恣狠毒公密為解免其擔當類如此人服其氣節據清遠志修

孫一仁仁和人萬歷年知清遠縣爽闊博洽政務簡要八鄉

甯謐尤喜培養文士邑中下關水口傾卸捐贖緩築印沙以

護之風氣賴以不泄民今德之據清遠志修

伍子瑗全州人天啓二年令清遠時劫盜蜂起親歷八鄉嚴

行補甲捕致真賊置于法以抗直忤當道中以法籍其家蕭

然也全之士夫斂金代贖子瑗夷然順適嘗曰不敢累家大

人清白名也蓋其父素絲公亦賢令云上全

郭時斗蘭谿人知清遠實心真品潔已愛人奉法循理有古

循良風三年內興利除害弭盜安民四境晏然尤勤于課士

以振作文風為己任評文決科不爽時稱知人城池久圯重

修之又處置歲修法隨時緝理可垂永久天性介直執法不

修避權要署新會縣剖決如流風清弊絕士民至今思之據清遠志

蘇廷龍莆田人知清遠平易近民邑凡有大利大害挺然以

身當之無所旁撓折獄明允弭盜有方六年內吏習民安暨

霍公碑而虎渡河遠徙人以爲德政所感云檄署香山撫馭

澳夷恩威并濟陞荆門知州據清遠志修

范傑福建德化人成化間清遠教諭文行優長訓誨懇至生

徒有貧而好學者捐俸助之非義之財一毫不受據清遠志修

林彌宣莆田人宏治間任清遠司訓識淵學博教立行成待

士以禮不冠不見勸課以道義爲先儀節不問也孫富節制

兩廣上全

田訓武任清遠訓導至誠率物長厚存心捐資以修祭器倡

義以建學宮陞陽江諭以母老陳情輿論高之

據清遠志修

胡大綸恬淡宅衷端方率物初授清遠司訓止攜一蒼頭却

貧生之餽遺周寒儒之困急每五日詣文廟瞻拜凡益飯楹

椽稍有漏圯卽捐囊隨時補葺說者謂比修建多功云後卽

陞本學教諭名利澹然兩任十年如一日也

上全

汪鉉號誠齋徽州婺源人正德十六年任巡道番彝佛朗機

假朝貢占據屯門海澳時肆剽掠屠食嬰兒御史邱道隆何

鼇前後具奏准行驅逐公親冒風濤指畫方策號召編民率

以大義戰而克之所獲貲財悉賚下秋毫無私旋陞兵部尙

書都察院右都御史民立祠于崇鎮里以報功德今合祀海

道劉公萬厯四十三年詳允入祀名宦

據新安志修

劉穩號仁山湖廣鄆縣人隆慶六年任巡道邑原隸東莞離

治百餘里倭彝海寇往往爲患惡少嘯聚淫祠穩行部至禁

祀撤像以鄉約所額焉朔望誦讀聖訓徇鄉民吳祚等之請

以東莞相距遼濶稽察難周民易爲奸因轉詳大憲設立今

治政暇集諸生講明道學文風翕然丕變其後擢南京太僕

貳卿士民擁道遮留者以萬計穩慰以詩復追送至小金山

乃還爰創立生祠共捐租若干畝以爲祭田萬厯四十三年

詳允入祀名宦

上全

周希尹號同野廣西宜山由舉人萬厯九年任廣府海防同

知仁明廉恕防禦尤嚴時萬賊爲梗討平之人懷其德故催

科不促而輸納恐後常召諸生月課是年得邑士爲首舉秩

滿之京轉岳州府同知尋陞南京工部員外郎萬厯四十三

年入祀名宦

上全

吳大訓號澗泉廣西馬平人由歲貢萬曆元年知新安寬厚
慈祥百度草創悉心經理動合機宜且寓有開必先之意禮
者碩右人文為開邑之良令焉萬曆四十三年入祀名宦
邱體乾字時亨江西臨川人由舉人萬曆十四年知新安縣
事創學田修邑乘勤于課士清丁糧均船役民甚德之凡所
因革皆宜民善俗經常可久之規也萬曆四十三年入祀名
宦

上全

喻燭號熙宇江西新建人由舉人萬曆二十一年知新安縣
舊邑倉糧場課多積弊盡為釐革懲猾胥日用一絲一粟悉
以平價市于民有所役兢兢為妨農慮定里甲差馬之額嚴
借辦私宰之禁立比卯十限之法公私便之萬曆四十三年
入祀名宦

據新安志修

曾孔志號泗臺福建閩縣人由舉人萬曆四年知新安寬恤
里甲嚴馭吏胥疏滯獄剔蠹弊奉法循理民甚安之至禮者
碩興學校尤為惓惓屢膺卓薦陞高州府通判祠于雲林墟

側今圮

據新安志修

陳良言江西進賢人由舉人天啓二年知新安公平廉靜作
士禮賢寬徭役抑豪橫清訟獄正己率屬杜絕饋遺士歌棫
樸民樂絃歌惜未幾別調闔邑士民有甘棠之思焉
陳穀字式洲福建同安人由舉人崇正元年知新安剛直廉
平不避權貴首除劇惡嚴詰奸胥寬里甲恤編民免鍰贖清
羨餘積蠹宿弊釐剔始盡築兩鏡臺于城北隅以固守禦仕
甫年餘以忤權貴去行李蕭然父老攀留者遮道不得前改
教後復官湖廣藍山縣邑人祠于雲林墟側今圮

據新安志修

李鉉字伯韓福建漳平人崇正八年由進士知新安慷慨有
丰裁豪强斂迹甫下車除外地之寇恤竈丁之艱詳立鹽埠
申免經紀雜餉以豁重戾民多德之任未幾改調海豐祀四
侯祠今圯 據新安志修

彭元年號鶴廷貴州石阡人崇正十年由舉人知新安質樸
寬和與民休息輕徭役蠲贖恤行戶善政不可枚舉作士
課文分廉俸以贍之去日行李蕭然邑人思慕祠于雲林墟
側今圯 據新安志修

周希曜字道升江南旌德人由舉人崇正十三年知新安留
心民瘼勵志育材修練儲備諸事整理井井有條其詳陳民
瘼等事皆切中時弊如復魚鹽以蘇土著平物價以恤行戶
併倉儲以革陋規禁投獻以絕擄詐皆善政也見邑中登科

甲者寥寥以東門外之舊學基坐文岡而朝杯渡局勢宏敞
不憚經始之勞鼎建學宮爰是英賢輩出後人皆受賜云據新安志

施孔儉字易時肇慶府陽江人由舉人萬曆二十年任新安
教諭通達時務捐俸助公分租給士萬曆四十三年入祀名
宦據新安志修

俞香號立齋江西永豐人由歲貢萬曆元年任新安教諭毅
於任事甫至聞學基為武弁侵占慨然率諸生遷先師木
主於其地時縣初分士氣未揚公振作之屢為當道薦獎陞
福建古田縣知縣詳祀名宦據新安志修

孫光祚號復庵東莞縣人由歲貢萬曆二十年任新安訓導
品格端方操修清介抑豪强以清學產捐俸餼以賑饑年士

民交頌之人祀名宦上全

劉師尹江西人萬曆十八年由舉人署新安教諭事學有淵源日與諸生剖析理奧久而不倦甘于淡薄不受饋遺更以字學相考辨陞國子監學錄上全

裴承袞浙江金華人萬曆二十二年由歲貢任新安教諭處心平易立行端方取士先器識後文藝有以束脩上者不較多寡歲入學租悉給貧生後與邑令不合因解組去士人至今慕之上全

鄧良遇韶州府曲江人萬曆三十五年由恩貢任新安訓導持躬端恪接物謙和時名宦祠射圃亭及兩齋頹圯皆捐俸修葺歲入學租悉資貧生談經課藝无殷殷焉據新安志修

卓有端惠州府長樂人由歲貢萬曆四十二年任新安教諭

溫良和易博通羣籍與諸生講學娓娓不倦著有雞肋四六字學問奇等集上全

蔡大綸福建龍溪人由歲貢崇正元年任新安教諭溫厚卓越富于典籍諸生進見惟以文章道義相勉勵庚午歲新生將謁聖例有束修聞報轉高州府教授即離任不少待其高潔如此據新安志修

許應甲韶州府翁源人由歲貢崇正十五年任新安教諭泊然寡營加意造士以歲進縮于額力為詳請日與諸生相勗諄諄先德後文苜蓿蕭然恬愉自得上全

萬士奇字大孤湖廣隨州人由歲貢崇正十三年任新安訓導博聞強記儻卓犖學宮丹雘之飾捐貲力任口不言勞士之好脩自愛者尤加意獎勵有屈抑則為之扶植督課程

宏教澤一時咸慶得師云據新安志修

南海李徵壽分纂

番禺周熾皋初校

番禺史悠履再校

南海顏以湘三校

番禺史悠泰四校

廣州府志卷一百七終

廣州府志卷一百八

宦績五 國朝

周有德

金光祖

石琳

孔毓珣

王來任

劉秉權

李士正

吳興祚

石文晟

託庸

德保

李湖

陳宏謀

朱珪

百齡

阮元

朱桂楨

程含章

林則徐

祁墳

李福泰以上督撫

惠士奇

夏之蓉

翁方綱

錢大昕

戴熙以上學政

魯超

甘汝來

康基田

曹國柄

譚尙忠

馮儼

吳嵩仞

蔣伊

龐璵

沈棣輝

吳昌壽以上監司

陸元機

江永瑞

王庭

劉茂榕

藍鼎元

趙翼

胡方朔

張百揆以上廣州府

印光任

裴鑲

徐秉義

胡雲容

江之煒

宋瑋

蔣迪

徐與蕃

唐鎔

龔鯤

王聯晉

黃興禮

楊楷

古大鯤

稽會嘉

毛對廷

趙培以上南海

楊交泰

何志本

高去侈

李文浩

秦桂

李紹膺

任兆駿

孔興璉

趙長民

凌存淳

張錫蕃

翁宗藩

莫元伯

婁君玉

李藻

以上番禺

國朝

周有德漢軍鑲紅旗人順治五年以宏文院編修隨英親王征大同叛鎮事平授侍讀歷遷宏文院學士康熙六年擢兩廣總督七年

聖祖軫念民生遣都統特錦等會勘廣東海界兵防俾民復業是時遷界民人頗苦失業聞沿邊設守許遷戶仍歸舊地靡不踴躍歡呼有德因疏言海邊遼闊若至勘界既周始行

安插倘須時日窮民迫不能待請即於勘度設兵之時檄牧令按遷戶版籍給還故業俾得裕其生計得

旨允行是年有德丁外艱平南王尙可喜以沿海兵民並藉經營安輯疏留之

命在任守制先是從化清遠增城三水河源等縣因蠶戶周玉李榮叛亂總督盧崇峻奏撥藩下及督提兩標兵分駐防

守賊平後居民以客兵雜處爲累八年有德疏請撤分駐之兵各歸原標部議報可粵民德之

據阮通志修

金光祖滿洲人兩粵寇平制府特資重望

聖祖仁皇帝以光祖從

龍舊佐擢任時康熙十二年也甫下車謁聖廟嗟典儀簡陋爰訪類宮舊制增翟籥笙祝之器習登拜升降之儀於是

園橋改觀髦士蔚起粵自兩藩駐劄已三十年凡米穀魚鹽芻茭布帛之屬市儈侵漁利歸王府小民朘削光祖禁之取尤黠者寘諸法民乃安堵又粵東多商粵西多農布帛菽粟兩相便也自藩吏肆擾兩江之船遂不往來光祖聽民自為市糴錢穀流通粵處天末八旗重鎮皇華使者雲合霧集民疲奔命光祖悉列其弊請於藩府無藝之徵少息矣光祖歿士民感其德請祀澤宮據郝通志修

石琳字瑯公滿洲正白旗人父某開國元勳封忠勇伯琳第六子也初由佐領禮部郎中擢山東觀察使歷任浙藩開府滇楚所在建祠尸祝康熙癸酉任兩廣總督下車相險阻水陸營堡碁置星布宵壬屏跡康熙三十五年東粵告饑乞糴於西西人遏糴琳為通融法爰有泛舟之役復捐俸散給糜

粥存活甚眾琳官粵一十四年分圖甲而錢糧清革私稅而商賈悅恤獄囚而痼斃鮮嚴海防而盜風息重文行而士勸學禁鬻女而民興慈流風善政之在人者蓋百世不諼者也

聖祖仁皇帝命使者齋藥存問琳拜

恩泣不能起登舟歸數日病革遂卒百姓巷哭聲相聞

聖祖遣官致祭粵東西之民相與肖其貌而祀之兄子文晟

撫粵別有傳據阮通志修

孔毓珣號松庵 至聖六十七代孫歷官至廣西巡撫雍正

二年以毓珣練兵有方遂授廣西總督踰年總制兩廣晉階大司馬毓珣練達機務轉圜敏妙大政小事各無凝滯粵素多盜治之者恆失要領盜愈熾毓珣嚴保甲整斥埃信賞必

罰密捕盜魁立寘諸法黨與震恐悔罪自投者二百四十餘人盜患遂熄粵東春夏兵精孔亟而粟米之征未逮倉中穀陳陳相因莫敢擅發毓珣請以倉穀舂米給兵秋成還穀無不稱便復于贍養營兵項下區七千金增製各營兜鍪組練干鹵及鋌弓矢飛礮之屬軍容整肅壁壘一新焉四年秋偶患積雨廣肇惠十一邑被水毓珣請運西米三十萬石而東以四萬石貯肇慶以二十六萬石貯廣州

詔報可粵東米價遂平他若鹺政舉而買人各安其業洋禁開而梯航相望以來皆績之卓卓可紀者六年冬

命割廣西一省屬雲貴毓珣益得專力廣東矣七年秋遷河

道總督未幾卒于官

上全

王來任字宏宇正黃旗漢軍天聰八年舉人康熙四年巡撫

廣東疏陳廣東六大害一夫役廣東頃因用兵差徭煩數額夫不足率權取民間後乃沿為故例遂有旬夫長夫短夫加夫諸名色其折銀始自二三兩多至三十餘兩凡官兵往還傳送軍器修造衙門應付使客或數千名或數百名少亦數十名大為民厲請

旨禁革其應用夫役俱于驛傳報銷俟部核議二民船異時官使船每取辦民間已而官取河船應用仍從民間征銀給之每一縣河船多者率數十每一船歲費一二百金胥吏藉是搜括鄉里今募省會官共捐銀造河船二百二十八備官使其故河船及一切民船俱禁不復用三采買自將軍提鎮以下托名軍需徵取百物州縣委之里排里排委之百姓請一切禁革四私抽民間無賴冒入旗營橫行鄉里私抽稅銀

凡車牛米穀雞豚之屬無一獲免並請禁絕五誣盜州縣獲盜不卽審訊姦胥黠隸教令攀引私讎及諸富人嚴刑之下冤濫者眾請凡獲盜者必立究黨羽毋得遲延妄害良善六擅殺各營塘報每遇盜發輒稱盡行剿洗其被擒者卽行誅戮時有濫殺無從究問請官兵出剿務別善惡其所俘獲悉應解審毋使擅殺疏上次第施行粵民大悅親慮囚平反積案囹圄一空微服遊市閭察有司之淑慝不少徇晝夜巡邏奸宄竊發卽捕獲兵厮橫暴卽重懲嚴禁畧販令關津非驗符傳毋得闌出粵土培養士氣綏靖邊疆皆由實心行政七年以絀誤還京病卒遺疏論粵東邊界居民奉檄內遷流離失所者至數百萬宜令復還故地詔許之瀕海之民復歸田里爲立廟祀焉初來任之罷也里

排潘世祥等百餘人詣闕請留既至聞其卒痛哭而還據彭紹升

測海集郝通志修

劉秉權字持平奉天人從入關授兵部主政遷刑部啟心郎轉僉都御史擢國史院學士康熙七年巡撫廣東甫視事卽懲貪墨禁加派革供應風紀肅然時方巡海展界招徠安插男婦十六萬有奇墾田二萬五千餘頃

聖祖仁皇帝優獎之招復竈丁而鹽課足餉請減屯賦而成卒安業正己率屬息事安民務持大體不爲苛細尤崇理學重師儒開省治文明門以延秀氣士風日起甲寅秋潮鎮劉進忠叛秉權帥師斬僞將金統積勞卒于軍疏聞優卹

子蔭諡據金通志修

李士正字毅可奉天人舉明經歷任江西巡撫康熙二十年

逆藩既殄部議廣州各員皆令復還內城原署撫治則改藩府爲之二十一年命士正以原銜移撫蓋重其選也時藩焰方息而隸藩之三旗馬步閒丁尙數千人紛紛覬覦士正不動聲色量地畫界分東西以處兵民凡田廬之爲藩稅者店舍之爲兵據者一一給還于民刊布寬大之政二十四條兵民遵守氣象一新已念粵爲嶺海巖疆兵防綦重復與制府提督諸大吏周行海甸相其要害扼塞之所分汎設戍海氛肅清遂會師搜捕花山沙潭諸盜犁其巢幕題請建縣以資控制今花縣所自始也士正九任外吏所至郡國必觀其形勢衝險陰陽向背于粵則治 文廟建三賢祠改創棘院闢文明門修青雲橋濬東西池隍水道重新鎮海拱北二樓收斂悍氣粵風遂醇在粵六載人思其功德俎豆于五仙門外

又崇祀名宦

據郝通志修

吳興祚漢軍正紅旗人順治七年以貢生授江西萍鄉縣知縣康熙二十一年正月擢兩廣總督時當撤藩之後虐政皆未除百姓嗷嗷不可朝夕興祚履任卽疏言粵民受逆藩十年之害利盡錙銖如鹽埠一項額課一十四萬有奇此蓋千百商民湊合資本行運逆藩以鹽爲利藪強佔鹽田場埠鹽課無出商民並累此粵民受困之一端也廣屬渡稅三百八十餘處逆藩兵卒羅踞津口重加稅錢又不許增船分載往往人多載重渡民被溺此又粵民受困之一端也粵貨至境舊有落地稅名逆藩創立稅總店銅錫鐵木之屬已納稅者重加稅斂下至雞豚蔬果一概截抽此又粵民受困之一端也漁課舊額通省五千四百餘兩藩役委官重斂苛征稅銀

鉅萬此又粵民受困之一端也至市舶一項原與民無害奸徒沈上達乘禁海之日番船不至勾結亡命私造大船出洋為市今

廷議許番舶自來在香山澳與商民陸地貿易內地之民既不出洋仍與海禁無害然照舊抽稅以資國用伏讀

恩詔有云逆賊盤踞地方橫征稅課該督撫查明悉行除免粵東一省如鹽埠渡稅總店漁課四項或應豁免宜聽部議

俱報可二十二年又疏請廣州沿海地畝招民耕種

論曰前因海寇未靖故令遷界今若令民耕種採捕甚有益于沿海之民浙閩等省亦宜有之爾部遣大臣一員前往展

界宜限期詳閱確議毋誤來春耕種之期後以事革職坐臺三十六年復原官以病卒

上

石文晟滿洲正白旗人前兩廣總督石琳兄子康熙四十

年自滇撫移粵居官廉潔明練抵任後平差徭禁羨耗除茶

蠟舟車之費擴清夙弊屬吏望風惟謹漕糧改折起自前明

洪武以避風濤之患吏緣為奸穀賤仍勒重價文晟喟然曰

天子豐年所以惠民官反嗜之是國之虱也嚴飭諸司仍收

本色冒禁者罪之溯石氏兩世開府粵東勲德相繼足垂百

世云未幾遷兩湖總督粵民思之祀名宦

據阮通志修

託庸字師健滿洲富察氏雍正初以部郎出為山西冀甯道

乾隆初遷廣東按察使七年署布政使時值亢旱攘竊填衢

總督策楞張示禁小錢又令平糶三米厥減其一來糶者無

許過二升託庸聞之大驚召廣州知府問曰民情甚迫而糶

厥轉減能保十日無事乎曰不能五日何如曰不能曰總督

之所以減糶者慮米不繼也不知民情一變倉之餘粟官不
有之矣就今計之宜增一廠所糶不計斗石兼收小錢如此
十五日倉米必未竭而雨至民將大安汝往白總督掣吾肘
則事敗矣知府往如託庸教越八日大雨視倉中米尙餘五
千石有奇也未幾實授藩司八年暎咭喇伐呂宋俘其人順
帆泊虎門策楞詢諸託庸曰暎人揚兵我境剿之乎抑聽之
也曰當使進表稱貢獻所俘人策楞晒之曰君直戲耳詎能
使洋人以全勝之師受節制耶對曰能策楞問所請曰印知
縣光任才而敏楊參將偉儀表二人者聽指揮足矣策楞許
之即召印令言其故令難之託庸曰紅毛伐呂宋涉遠至此
糧能足乎風浪搏擊船必損壞不修艙能歸乎此如嬰兒寄
食于人小加裁禁即俯首順受矣于是二人密承意指領百

人至獅子洋邊糶居無何炊烟漸稀矣洋酋果以糧盡求見
印令呵之曰汝兩國交鬪不偃旗疾過而敢揚兵于此斷汝
糶糧職是故也洋酋聞言意沮伏地乞處分印令微示其意
遂進表獻所俘總督大悅以兵還呂宋給紅毛糶糧遣之歸
明年呂宋修怨于紅毛屯兵澳門揚言待紅毛來與戰策楞
又詢之託庸對曰紅毛小而強戰屢勝呂宋大而弱戰屢敗
大敗于小他國輕之欲洗其恥又畏其強故逗留此地虛張
聲勢耳前有還俘恩往責之必無辭而退乃使印令往諭之
果解去尋擢廣東巡撫內轉兵部侍郎據舟車聞見錄小倉山房文集修
德保字定圃內務府正白旗人乾隆丁巳進士改庶吉士由
檢討歷清要疊掌文衡既晉吏部侍郎三十四年冬擢廣東
巡撫下車伊始即觀風試士拔其尤大加獎勵歷聘杭州陸

嘉穎江西朱紉蘭主粵秀講席捐俸資膏火嚴督課程多士
振興文風蒸蒸日上上海濱遂稱小鄒魯焉三十六年兼署兩
廣總督奏言粵東內河營汛制已極周密撫標原設槳船十
每季輪派守備一員千把三員各帶兵三十名駕船分巡與
右翼鎮屬槳船互相聲應計船四隻儘足敷用餘皆有名無
實應請裁省諸議並行泣粵五年清操彌著吏治肅然民懷
其惠丁外艱去官至禮部尙書卒諡文莊據阮通志修
李湖字又川江西南豐人乾隆己未進士選授山東武城縣
歷陞湖南巡撫四十五年調撫廣東時番禺縣屬之沙灣菱
塘近接大洋綿互百數十里素稱盜藪假風便捕魚出洋肆
劫或散布內地時出標掠有以被盜報者官輒諱之令改竊
繇是盜益恣湖下車暨總督巴延三籌訪各盜姓名居址出

入途逕偵知諸盜首以七月望前歸家設祀密飭文武官分
布兵役旬日間擒獲巨盜二百餘人寘之法疏聞

詔褒嘉之予議叙四十六年條奏安輯事宜十款

北岸新造墟向設巡檢各一分司緝捕南村駐縣丞一秩微
不足彈壓請移同知一員駐沙灣菱塘適中之坑頭村兩巡
檢可隨時調遣遇盜警會石基營弁堵緝一沙灣涌口甚多
石基村逼臨獅子洋為舟行總匯請立專營以扼其要一石
基水師汛房並列村內宜移涌口旁易于盤詰水陸各汛酌
添弁兵一石基營在陸路汛地俱屬水鄉宜設橋船快槳船
各一官涌口市頭村石壁汛各設快槳船一市橋汛設四櫓
船一令千把總帶兵巡緝一菱塘涌口無船汛與內河巡船
不相接連應令左翼鎮派樓船一配兵巡微一移駐汛兵挈
眷遷徙每兵酌給房二間一各村民船令沙菱巡檢給號給
印照刊船戶姓名俾以下用兩禁民間私造洋船一上新設移
用四槳小船六尺以下用兩禁民間私造洋船一上新設移
駐各員必久任專責成請在外揀調照海疆例五年俸滿
保陞遇有盜案文職以巡檢為專管廳員為兼轄武職以千
把外委為專管守備為兼轄將領為統轄如有沙菱民人偷
越各屬行劫照失察奸民出口例參處一石基村有鼠山又
有土堆形同田鼠鼠性善竊故多下部議行嗣是沙菱奸宄
盜請剷毀鑄鐵貓鎮壓以順輿情

宦績五

絕跡閭井晏然湖之力也是年十一月卒於官

賜祭葬如例晉贈尚書銜諡恭毅粵民泣送歸櫬填塞街衢

如失慈母云

上全

陳宏謀號榕門廣西臨桂人雍正癸卯舉人甲辰成進士選
庶吉士授檢討乾隆二十一年擢兩廣總督宏謀以本籍疏

辭

諭以不必回避宏謀歷官二十一任所到無論久暫必究人
心風俗之得失及利害之當因當革分條考察次第舉行其
馭吏甚嚴然所劾者必擇其尤一二人而人皆懍懍也二十
九年協辦大學士漢有協辦自宏謀始三十二年授東閣大
學士三十六年予告歸六月卒于袁州之韓莊年七十七入
祀賢良祠諡文恭孫繼昌嘉慶癸酉庚辰鄉會廷試皆第一

由修撰官至江西布政使致仕曾主越華講席

據國朝先
正事畧修

朱珪字石君順天大興人乾隆丁巳舉人戊午成進士選庶

吉士散館授編修五十九年調廣東巡撫尋署兩廣總督留

巡撫任嘆咭利入貢呈土物却之藩司請陞濱海沙田珪駁

曰海沙淤地坍塌靡常故照下則田減半之今視上中田賦

是與沿海民計微利非政體且民苦加賦將別有漲地亦不

敢報墾不可行嘉慶元年授兩廣總督六月內召云將入閣

辦事俄而浙督魁倫奏粵東艇匪駛至閩浙乃珪總督任內

事遂寢其議七年協辦大學士十年拜體仁閣大學士明年

十二月卒諡文正

據國朝先
正事畧修

百齡號菊溪姓張氏漢軍正黃旗人乾隆壬辰進士授編修
改御史嘉慶癸亥擢廣東巡撫嚴禁班館重懲蠹役士民愛

戴之去任時擁道不得發至夜乃乘馬出城丁卯擢兩廣總督時粵洋久不靖巨寇張保挾眾數萬勢張甚百齡至則奏撤海商船嚴禁消賊濟水諸弊籌餉練兵每一檄下耳目震悚又巡哨周嚴遇寇擊之輒沈羣寇奪氣始有投誠意然懼誅未敢遽進揚言必制府親臨望見顏色乃降衷甲頓舟以待實藉為嘗試地或謂公不宜以身試不測曰粵人苦寇久矣今乞降若不坦懷待之寇氛何由息乃單舸出虎門從者十數人保率巨艦數百轟礮如雷烟燄蔽天日環公船作跪迓狀百齡危坐舟中屹然不為動麾左右呼保駛近前曉以利害見者睚眦膽落詔為天人皆面縛乞命百齡立撫其眾許奏乞貸死旬日間解散二萬餘人繳船四百餘艘礮械無算復令保招降烏石二以計誘至雷州斬之並斬為從者數

百人釋其餘黨全海肅清事聞復太子少保銜

賜花翎世職疏請添設水師提督駐虎門從之辛未以疾回

京補刑部尚書癸酉協辦大學士乙亥卒年六十九據朝先正

修事畧

阮元號雲臺乾隆丙午舉人已酉成進士選庶常散館授編修明年大考第一授少詹事嘉慶二十二年授兩廣總督奏建大王滙及肇慶諸礮臺請將南海縣桑園圍改築石隄修廣東通志又以廣東米少民艱食奏請海舶以米至者免船稅自是廣東無米貴之患二十五年設立學海堂課士分經史詩賦四種以學長八人分閱總呈于官改拓貢院號舍道光元年奏設郵務局修廣州城及城北鎮海樓建三水行臺書院又以北江峽道大壞乃命海關率洋商為一股運司率

埠商為一股而已率諸官為一股自清遠至韶州分為三段通橋架石商旅便焉尋刻

皇清經解為書八十餘種卷千四百凡在粵十年兼署巡撫者六水陸向多盜前後拿獲以數千計其辦洋務也首以嚴馭洋商為主洋船在黃埔殺人嚴飭繳犯期以必得商不能庇乃自刎死有擊死民婦者亦予絞決抵罪六年調雲貴總督十二年協辦大學士入閣供職十五年拜體仁閣大學士以足疾予告加太子太保銜仍食半俸二十六年重赴鹿鳴加太傅銜食全俸元疏謝

手詔答曰願卿福壽日增以待三赴鹿鳴之盛也二十九年十月卒年八十六

賜祭葬諡文達所著有學經室集行世據國朝先正事畧修

朱桂楨字幹臣江蘇上元人乾隆丁未舉人嘉慶四年進士由吏部改御史道光十年授廣東巡撫旋兼署兩廣總督粵地接外洋俗獷悍玩禁令乃申法制釐海船凡與利治弊皆不動聲色有司有所勾攝率官弁曰往某處莫知其事至則談笑就緒故其在粵數年莠民革面而西洋諸國亦奉約束惟謹有馮某者以逆搖趙金隴亂囚其父子事定桂楨一見曰此寃民也訊實釋之秋審讞獄平反尤眾十三年夏以病告歸百姓送者空城或繪像以祀十九年卒年七十三

賜祭葬諡莊恪據國朝先正事畧修

程含章字月川雲南景東廳人乾隆壬子舉人嘉慶六年大挑分發廣東署封川縣以盜案褫職九年請出海効力獲盜復原官歷任海安同知南雄州惠州府知府調廣州道光二

年擢山東布政使秋巡撫廣東含章久于廣東初以海洋緝捕南雄清丈受

主知嗣歷巡撫雪冤獄懲匪類修陂塘水利增書院膏火善政不可勝舉詣各府閱兵止攜僕從七人夫價船值皆自發蓋節儉其天性也三年調山東又調江西四年授工部侍郎調補倉場侍郎八年復授山東巡撫以浙江鹽政任內事降補員外郎是年秋授福建布政使十年以病歸十二年卒年七十一所著有讀鑑辨正明倫述要及嶺南諸集

據聽松廬文鈔采訪

修冊林則徐字少穆年二十舉于鄉嘉慶辛未成進士選庶吉士授編修改御史授杭嘉湖道累擢湖廣總督先是鴻臚寺卿黃爵滋疏請嚴禁鴉片道光十八年冬則徐以

欽差大臣查辦海口至則勒令洋人繳烟土數萬箱每箱給茶葉五斤洋人不服是時已授兩廣總督乃于虎門及各海口添建礮臺設木柵鐵索奏移高廉道駐澳門隸水師以資控禦九月暎吉利洋人義律以索食為名糾戰船犯尖沙嘴遣參將賴恩爵擊走之乃斷其接濟尋六犯海口皆受懲創義律潛赴澳門倩西洋遞說帖求轉圓則徐以言未可信請相機剿撫洋人以粵之無隙可乘也乃改圖閩浙陷定海掠甯波沿海騷動在事者莫能折衝遂各歸咎則徐乃以琦鄩來代至則盡反其所為撤各路守兵其守者亦不給火藥洋人遂徑犯粵城則徐知事不可為具疏以待

命以四品卿銜赴鎮海効力尋遣戍伊犁而海疆自是孔棘矣至伊犁勘辦開墾事宜二十五年赦還以四五品京堂用

十一月遂署陝甘總督二十七年遷雲貴總督以病告歸道光三十年廣西賊發

命以欽差大臣馳赴廣西勦賊行至潮州卒

賜祭葬諡文忠

據國朝先正事畧修

祁墳字竹軒山西高平人嘉慶丙辰年進士官刑部道光十年任廣東巡撫水災後民憂艱食捐廉倡捐得十餘萬金以三之一買穀建惠濟東西倉貯之三之二貸商生息以備平糴民利賴焉道光十三年南海官窰隄決水及省垣墳排塞決口因查靈洲山屹水中為北江趨石門要道上游獺矢埽一帶積沙淤邊乃鑿埽首小沙以達埽尾復于靈洲山前開復故河水乃暢流並籌款歲修以為善後故頻年江漲而官窰之隄獨完二十一年由刑部尙書再任兩廣總督時洋

人受撫仍多反覆墳先結民心次作士氣士民信之洋人既

憚其嚴正又知人心不可動搖四年之間相安無事至其持

守清潔盡却苞苴則素性然也二十二年患暈嘔吐遂卒

賜祭葬諡恭恪

據粵東請祀名宦疏修

李福泰字星衢山東濟甯州人道光甲辰進士以知縣分發廣東歷饒平潮陽咸豐三年調番禺四年各處賊起陳開據佛山甘先據佛嶺市陳泐滙陳顯良據沙菱各擁眾數萬省垣消息不通福泰隨大府守城九月圍解時東路水軍復敗福泰謀知有米船四號到省稟請留護獵德礮臺東路遂安五年正月進兵沙菱福泰隨往辦善後各鄉共解賊八千餘名復責助軍餉四十萬官兵由順德至肇慶軍精無缺福泰之力也事平復往慕德里查辦餘匪大府以鴉湖黨逆必盡

殺乃止福泰召紳耆等令交逆犯先後縛獻三千餘名賊首甘仙先爲花縣紳士宋蔚謙獲解至是曹汝升曹春林等咸伏誅事乃定擢前山同知仍視縣事七月丁外艱大府奏請奪情遂隨總督黃宗漢於惠州辦東江軍務庚申服闋擢廣州知府十一年番禺令五福爲洋人所留時省城洶洶聚眾至二萬餘具香燭以迎五令大府檄福泰彈壓福泰出以好言撫慰眾見太守至一時遂散是日微福泰幾激變矣尋以道員補用同治三年補授鹽運使不數月擢按察使時東江爲巨逆汪海洋竄擾督諸將東征在軍被劾四年欽差大臣左宗棠督師入粵嘉應寇悉平五年凱旋開復降調處分是年秋補授布政使時有丈量沙田之議福泰以爲不可授福建巡撫六年調廣東巡撫乞假入

覲補行守制假滿航海抵粵視事以粵東沿海重地請汰老弱兵三成清釐積欠爲訓練計又委廉員徵收錢糧完逋賦數十萬十數營積欠餉米悉行補足九年調粵西巡撫十年卒於任年六十五歸喪抵粵總督瑞麟合同寅賻之乃得歸

據采訪冊修

惠士奇字天牧吳縣人也康熙戊子舉鄉試第一己丑成進士選庶吉士散館授編修庚子冬督學廣東下車日焚香設誓不妄取一文不妄徇一情頒條教以通經爲先士子能背誦五經背寫三禮左傳者諸生食餼童子青其衿嘗言漢時蜀郡僻陋文翁守蜀遣雋士張寬等東受七經還以教授其後司馬相如王褒嚴遵揚雄相繼而起文章冠天下漢之蜀今之粵也毅然以經學倡三年之後文體爲之一變局試時

危坐大堂温誦史記漢書俄而繞座背誦不遺一字諸生大驚曰吾輩非人也

世宗御極留任三年又謂今之校官古博士也博士明於古今通達國體今校官無博士之才弟子何所效法訪諸輿論得海陽進士翁廷資者具疏題補韶州府教授吏部以學臣向無題補官員之例格不行奉

旨惠士奇居官聲名好所舉之人諒非徇私著照所請補授後不為例在任遷右春坊右中允超擢侍講學士轉侍讀學士任滿還都送行者如堵牆官粵六年拔知名士數十人如何夢瑤勞孝輿羅天尺蘇珥陳世和陳海六吳世宗吳秋時有惠門八子之目既去粵人設木主于廣州三賢祠每元旦及生辰咸肅衣冠入拜其得士心如此丙午還朝丁未奉

旨修鎮江城以產盡停工罷官

高宗即位以講讀用已未告歸攜其子棟至嶺南校刊所著春秋說十五卷歸時諸生送行有踰嶺及贛江者卒年七十

一據阮通志修

夏之蓉字芙蓉江南高郵人天才宏放一時壇坫名流無不斂手推服雍正癸丑成進士乾隆丙辰應博學鴻詞科二等授翰林檢討乙丑督學廣東於治經外示以古文之學錄為汲古編憐才愛士孜孜如不及試順德拔前茅三人為鄭翼亭梁泉李麟書之蓉謂三人者皆奇士翼亭泉皆當領解麟書文過奇澀恐終淪落其後果如其言衡鑒之明粵士至今稱之

據阮通志修

翁方綱號覃溪順天大興人乾隆十七年進士選庶常散館

授編修官至內閣學士左遷鴻臚寺卿重宴瓊林年八十二卒方綱于學無不窺而尤重金石譜錄所著兩漢金石記剖析毫芒參以說文正義幾欲駕洪文惠而上之詩宗杜韓蘇黃多至六千餘篇謂漁洋論詩專尚神韻拈肌理二字矯之蓋欲以實救虛也所為詩自諸經註疏以及史傳之考訂金石文字之爬梳皆貫徹流溢于其中雖瓣香有在初不以一家限也書初法平原繼學率更隸仿史晨韓敕諸碑鈎摹數十本海內求書者多歸之為廣東學政八年詞章之學尤為所尚粵東詩賦之興實其所始嘗集同人講錄輯成石洲詩話一書又搜求金石成粵東金石錄此皆蹟之留于粵者也宏獎後進一篇之美稱道不去口晚年罷官家居屹然為海

內靈光云

據國朝先正事畧修

錢大昕字曉徵江南嘉定人乾隆甲戌進士官詹事學靡不通謙以下士尤好獎掖後學三十九年視學廣東一時俊彥皆受裁成以臻偉器即或隱遯巖穴負有實學者亦皆拭拂贊賞以獎借其幽潛故論廣東人士敦崇經術則鄭冕導其先路至惠士奇始大闢門庭釐正文體則夏之蓉以清正為宗至史夢琦始革其凡陋金石篆隸則翁方綱以漢法為宗至大昕始再為揚扈若夫穿穴古今貫通往事談歷朝之成敗考史筆之是非人知魯豕之訛家習董狐之學則實大昕之力也

據阮通志修

戴熙字醇士浙江錢塘人道光壬辰進士由翰林歷任兵部侍郎詩書畫並臻絕詣而畫尤兼山樵仲圭之長入直南齋屢邀

宸賞道光間再授廣東學政所取多稽古之士在粵成訪粵集一卷刻畫巖壑搜奇剔秘論者推為奇作試竣復

命

宣宗詢以粵東山水即繪圖十二幀以進以中宿峽為第一云後以病歸往來西湖尤多吟詠咸豐庚申髮逆破杭州投

園池死諡文節

據采訪冊修

魯超號謙菴順天籍浙之會稽人也康熙三十一年官惠潮道督撫舉廉能官以超名上授粵西按察使三十七年擢廣東布政使前後在粵凡七載康熙甲戌水漲超晝夜築堤以身為捍至今名魯公堤丁丑歲飢守令議發積貯平糶未敢擅動超力任之果報可人比之漢汲黯云葦嶺南珠江義學穗城扶風書院延宿儒置都養士彬彬興學矣粵東兵餉例

間用錢值錢滯兵苦虧折強市民物民復苦之超請全給白金兵民均賴焉卒于官士民哀之舉祀名宦在粵著有粵游

草

據阮通志修

甘汝來字耕道江西奉新人康熙癸巳進士雍正辛亥春權署理廣東藩篆嶺南古所稱犀珠磊落區也布政為錢糧總匯汝來廉約簡素革秤餘銀厚守宰養廉費而嚴其法陳關稅隱匿則例之弊甲寅夏陞禮部右侍郎北歸日庫存稅羨充公銀二十萬餘兩具摺奏明又條奏粵東沙坦事宜一定立界之法以杜爭競凡海濱水坦初出各自插標出水之後各自工築報官給照為業前後左右田灘相達者不得于工築後爭控一立限田之法以杜豪佔凡有田十頃以上雖田界相遠毋許再種小民圈築亦毋過五頃如捏名霸種查出

治罪將霸種之灘給貧民為業其有資助貧民圈築量取租
息田歸貧民者聽一緩升科之期以寬民力陸地開墾定例
六年升科海田浮脆應俟十年土性堅實之後始令給賦一
厚蠲恤之法以備不虞潮有大小氣有消息沙灘亦有成壞
如潮大淹其所種則寬緩一歲之糧地遷而毀其所圍則寬
免升科之額民可恃以無恐至海若効靈有功必祀除二八
月常祀外十月內撫臣親祭一次以答神貺

勅下廣東督撫議覆允行乾隆元年正月奏請除煩苛之權
稅一邊海居民採捕魚蝦船用單桅不能出洋貿易例止本
縣給照稽其出入近聞各海關監督令其請領關牌同雙桅
出洋貿易之船一體納鈔請

勅海疆督撫查明蠲免一近海貧民資生無業有用竹筴取

魚者有于埠頭養鴨者閩廣之間悉按以徵稅無裨國計實
有害于貧民請盡數蠲除以甦民累部議報可粵民頌之

阮據
通志

康基田號茂園山西興縣人乾隆丁丑進士前官于粵有政
聲去粵二十餘年復官廣東布政使省城有渠六道宣洩潦
水以達于江曰六脉渠歲久淤塞每積雨城北山漲陡發輒
漫民居基田周視渠之故道親督工疏濬之既而淫雨不止
閭閻無潦患又修葺穗城羊石西湖禺山珠江諸鄉校擇師
講授以作士風宦蹟所臨士民咸深思慕

上全

曹國柄直隸順天人順治七年任廣東按察使方正峻潔寬
大不苛日給止粗糲瓜菜一切服用淡如也時方綏定之初
一意與民休息誥戒屢頒期於無訟錄囚多所平反粵民愛

之據郝通志修

譚尙忠江西南豐人乾隆辛未進士三十八年任廣東按察使粵中有遊惰之民作橫鄉里名曰爛崽良善苦之大吏訪其渠置之法未及盡翦除也尙忠不示顏色密察得某甲者平昔積惡狀拘之來誅之曰奚為爾之惡奚為爾之奸承則爾宥否則爾獄瘐死乃已甲俯首伏狀尙忠曰若能舉首平時共惡者當縱爾去甲不得已列其黨十餘人尙忠又拘之來鞫之皆實謂甲曰我已許爾能言爾黨即縱去今後無犯科也甲叩首謝而出尙忠乃謂諸人曰某甲能言其黨我故宥之有能效焉有前轍在諸人皆思縱脫於是爭白其朋類百餘人尙忠又拘之來使相對質既得其實遂一併以重校使荷之至死不釋一日之間城中諸惡少拘捕至盡無一得

脫者閩里滋擾之害遂絕尙忠以八月蒞事旋丁父憂去官

視事僅三月僉謂使尙忠久於其任不知當何如大造粵土

也故至今稱道弗衰據阮通志修

馮侯字英人慈谿人順治乙丑進士六年粵東李成棟叛侯

以副使巡視海道會同大帥統師抵粵平南韶等郡及抵廣

州與大帥相度機宜先以一軍取三水從化等縣旋平廣州

傳檄各鄉堡禁擄掠未幾偽陽春伯范承恩據城叛侯遣人

恫喝之又使人運諸大礮至西關發礮震天地雜以鈺鼓聲

承恩一時不知所為遂潰廣州復安厥功頗鉅其去也人咸

思之祀名宦據郝通志修

吳嵩初直隸真定人進士初任河東守道旋授饒南分巡時

粵東李成棟叛順治十五年

世祖章皇帝策遣兩藩入粵授嵩何廣東分巡驛傳道甫下車督戰艦籌兵餉大事以集花山界枕番從嵩何統大師深入叢林密籌勦撫協宜賊黨掃除遂空其地即今所立花縣治也粵地濱海屢被水患嵩何修堤築防遂成沃土兵燹之餘澤宮鞠草嵩何修葺學校妙選名儒文教以興及攝鹺政釐剔錮弊念粵鹺政壞多屬流商罔恤身家利析毫末於是禁絕豪僧壅復場竈遜土著富民執引身處脂膏一絲不染卒之日民咸懷之崇祀名宦據阮通志修

漁時逆藩多佔據民舍伊暑不張蓋躬自察勘民得復還故業兵糧最苦撥支軍歎跋涉吏又持之伊酌以本地糧給本地兵軍民兩稱便焉康熙二十二年 聖廟傾圮且藩卒橫踞伊出俸錢造軍房八十餘楹先申制府以戢兵隨鳩眾工以葺廟兵心安而士風振其持大體定危機類如此尤加意文教風勵後進創立穗城書院嶺南義學置膳田六百餘畝以給四方來學之士月吉課甲乙海濱鄒魯駸駸盛矣康熙二十四年擢河南督學解纜日囊橐蕭然士民號泣攀轅及卒粵人設位嶺南義學哭者甚眾顯祀名宦又公葺穗城書院為蔣公祠祀之據郝通志修

龐嶼字石洲廣西陸川人雍正丙午舉人歷官至兩廣鹽運使卒於官初知鎮平歸善縣雍正七年知番禺為政廉明案

無滯積清屯糧免均役叔建義學以誨邑士番禺瀕海多盜
 嶼單車撫諭自首者數百人悉散遣之以計擒盜魁敘功進
 同知歷任廣州守惠潮道乾隆甲子提調鄉閭見號舍卑濕
 捐俸置竹簟遍席之今則歲有常供實嶼之倡也擢鹽運使
 多善政與鄂彌達並尸祝焉

據番禺縣志修

沈棣輝字奏箴浙江歸安人報捐通判分發廣東咸豐四年
 署督糧道時賊氛四起陳開據佛山李文茂甘先據佛嶺市
 陳滉滢陳顯良據沙斐而東莞賊何六先據增城亦來會營
 於燕塘參將崔大同出戰又敗於三元里總督葉名琛知棣
 輝才可用委以兵事棣輝以旗兵營於北門礮臺召香山紳
 士林福盛募勇三千營於西新會參將衛佐邦以本部兵勇
 營於東另募東莞潮州勇以為聲援策應時陳顯良方屯燕

塘日日來攻棣輝念不先破此賊終為後患乃遣衛佐邦劫
 其營顯良遁回沙斐於是東道稍通得以專顧北門九月謀
 知賊營火藥將盡各營兵奮勇齊進一掃平之夷其壘時東
 路水軍少屻命集小船數十號配以礮火另覓紅單船四守
 獵德礮臺東道遂固十一月沙斐賊又犯河南我兵往援陣
 斬陳滉滢賊退走賊又由北江至攻西門督巡船與戰於橫
 沙獲勝時佛山賊為九十六鄉所拒不得前棣輝於十一月
 調精兵三千合舟師疾馳至臨海廟與賊戰親執桴鼓督眾
 前賊敗次日乃分兵八路攻佛山賊懼乘夜竄九江遂復佛
 山急分兵守要害賊果糾餘黨十三路來犯棣輝亦分兵十
 三路應之復分兵勦官窰小塘蘆苞等處悉收復於是賊攢
 聚神頭舟師日至使參將黃彬與戰又連敗之棣輝知賊無

廣州府志卷一百一十八
能始議進兵沙菱正月十八日我軍舟師齊進連破員岡蓼水之賊十九日即登陸營於沙菱賊皆散走二十日賊復集船四百餘號由獅子洋而上督巡船拖船往戰於波羅廟賊敗棄船走直至沙灣之南排頭尚有賊船四五百號拒敵又大破之追至順德賊已棄城不守時各路賊皆聚肇城之琴沙扼西江口棣輝揮兵船直上賊不支梟水走其登陸者皆為鄉團所獲賊棄肇城西走棣輝至封川遂不追回軍勦北江之賊賊望風遁進至韶州賊踰嶺走始回軍廣東平總督以功上奉

旨沈棣輝知機應變深堪嘉尚擢雲南布政使奏留署廣東按察使不逾月卒於官贈內閣學士銜蔭一子知州據采訪冊修吳昌壽號少川浙江嘉興人道光乙巳科進士以知縣分發

廣東歷連平州韶州府皆以軍功薦升調廣州時洋人索和約議久不決遂攻城昌壽以大府檄巡外城火箭如雨昌壽飭丁壯用水車救援外城一帶賴以保全七月到廣州任而南韶諸賊窺昌壽不在又復熾昌壽視事畢即馳赴清遠調軍把隘逼賊入濱江各營進攻敗之是時洋人闖入省垣昌壽欲赴援不得大憲耗而饒道已絕兵紛紛欲散昌壽亟為撫循向鄉間借糧發給兵心乃定十二日攻克濱江餘匪復圍廣甯使都司方耀赴援廣甯圍解八月總督黃宗漢至駐惠州知昌壽才足以辦賊檄兼糧道帶兵平連州之賊而廣西賊又擾四會清遠昌壽馳回清遠分兵破之而北江敗賊復恣英德昌壽親乘礮船追勦賊遂盪平同治元年再署糧道九月署按察使二年正月新甯縣境客民佔據廣海寨肆

行屠戮總督委昌壽與副將衛佐邦往勦先諭客匪退出不聽於是決計勦捕焚毀附城賊巢進攻寨城於西山築土臺以礮向賊營轟擊客匪懼潛約大隆崗賊來撲城復敗遂移營南塘石欄環攻寨城各賊乘夜竄出寨城遂復是時已補按察使旋擢布政使凱旋補授湖北巡撫四年調補河南巡撫以保舉案挂吏議降一級調用遂回籍十二月授廣東布政使旋署理廣西巡撫七年六月抵桂林七月卒年五十八昌壽涖官一清如洗各處犒賞皆歸士卒已無所私故所至成功臨終祇一妾隨任尙遺囑令其不受奠敬可以媲美吳隱之矣據采訪冊修

陸元機浙江山陰人順治三年粵中初定以元機行廣州府事開誠布公遐邇向化丁亥失獄犯陳知希總督佟養甲疑

其故縱命斬之百姓蜂擁號泣以身翼蔽爭乞代死養甲見民情激切乃釋縛籍其貲止值數金養甲遂復其官粵民戴之如慈父據郝通志修

汪永瑞徽州人順治時廣州知府革弊釐奸政平訟理卒於任粵人哀思之平藩有家奴性慧黠王愛之倚王勢恣橫無狀強奪民間貨物道路側目一日使酒殺人於市永瑞具其獄王屢為乞宥永瑞堅執不可卒抵奴於法闔郡稱快事涉賦稅尤斤斤察察必求盡善乃已曰一事之利民未必即蒙其福一事之弊民永遠受其害矣時海宇乂安清丈田畝雖祁寒暑雨亦必躬詣履勘不使胥吏營奸影射竟亦以此積勞致疾云據阮通志修

王庭字言遠浙江嘉興人工文詞順治進士官廣州知府治

事必以日當眾鞠於大堂曰守之廉焚明暗當使百姓共聞

共見也又於二堂環列數案凡幕中治事者皆使各據一案

環坐辦公廊下亦設數几坐書吏以備鈔胥以是每鞠一事

退即商權於堂不俟終日即已結釋事無留滯云據阮通志修

劉茂榕字華生鑲黃旗人康熙二十三年知廣州府修學宮

駕青雲橋建貢院開濬新城濠重創鎮海樓諸大興作皆躬

親督理工無虧民不擾人咸賴之復捐俸買地建珠江義學

士子絃誦得所置義塚窮民死有所歸葬時稱賢守一時耆

宿相與往還茗枕詩筒殆無虛日然事無鉅細皆有設施人

有餘閑案無留牘文采風流尤非他人可及據嶺南詩小傳

藍鼎元字鹿洲福建漳浦人雍正癸卯拔貢六年以相國朱

軾薦授普甯縣緣事革職十年以巡撫鄂彌達昭雪

特旨召對署廣州知府自以身受殊遇廣州省會重地旗民

雜沓番舶縱橫思所以調劑振刷之邁小恙遽卒年五十四

鼎元為人倜儻負經濟才少日以文名往來海上從事諸節

鎮幕府多所贊畫其勞績見于臺灣政事見于普甯蒞廣之

日人爭拭目而享壽不永士論深惜之所著有鹿洲集據行狀及

阮通志修

趙翼號甌北江蘇陽湖人乾隆庚午舉人辛巳以第三人及

第授編修尋授廣西鎮安府知府以事忤總督李侍堯李欲

其稍折節而調翼廣州以自助翼不往卒奉

特旨調廣州人始服其有守在廣州獲海盜百有八人按律

當死翼詳讞辟三十八人餘遣戍擢貴西道緣事內召遂告

養歸嘉慶庚午重赴鹿鳴

賜三品服又四年卒年八十有八

據國朝先正事畧修

胡方朔字小東安徽桐城人由庶常改官刑部主事擢郎中授高州府知府調廣州方朔久于刑部讞獄詳審尤精校士每屆府考日坐堂皇闈中弊竇悉絕所取多知名士時朱桂楨為巡撫甚重之十三年八月遇病卒桂楨哭之慟曰常願某先死得君為替人而今已矣其為上游賞識如此

據采訪冊修

張伯揆字吟舫浙江蕭山人道光庚子進士廷試第三人由翰林出為廉州府知府調廣州伯揆操守捐介德量和平在廣州時府考有卷價伯揆將名下應得者裁去為數甚鉅遂為定式貧士賴之學政龔寶蓮在任病故巡撫葉名琛奏代行考試亦重之也當咸豐甲寅乙卯間紅賊煽亂伯揆與沈棣輝同在軍需局棣輝性褊遇事呵斥伯揆能容之遂以成

功事平擢道員以病告歸卒

據采訪冊修

印光任江南寶山人舉孝廉方正乾隆八年六月洋人英吉利仇劫呂宋船復擄其人風急飄至獅子洋光任時知東莞縣上官檄往詰之光任知其篷碎糧竭將有乞糧之請而修船必需內地工匠略捉擄之可制其死命乃歸告上官請先遏糴以飢之再匿船匠以難之英酋果不得已命其頭目叩關求見公直曉之曰

天朝柔遠一視同仁惡人爭鬪汝能獻所俘呂宋人聽中國處分則米禁立開當喚造船者替修篷桅送汝歸國英人無可奈何伏地唯唯還所擄二百九十九人上官廉其才題授肇慶府同知尋改澳門同知駐前山寨居無何蕃部法瑯西人澳貿易英吉利貪其利先後發六艘詭言來市陰謀篡取

光任察其姦駕戰艦督水師營兵出海召英酋厲聲叱之曰若來何為利人貨物將作賊耶我奉制府合若傷法瑯人即將爾國人之在黃浦者抵償若奪其貨即將爾貨之在牙行者抵償言訖揮健兒千餘披甲張礮環其船而守之英酋禁聲登時六船搖去而法瑯早已安渡虎頭門矣光任任海疆久於諸夷種類支派某強某弱某狡某愚其地之山川形勢靡不部居別白於胸中以故先事預謀當機立斷終其任海面肅然

據香山志修

裴鑲字鷺臣乾隆間以布政司經歷署海防同知視民如子值歲饑竭力賑濟民賴更生去之日邑民製袍擁道留之上全徐秉義字子宜三韓人舉孝廉康熙十三年自增城移令南海丙辰丁巳之間海多寇盜平洲故水鄉東南為逕頭海艦

往來輒經其處時有沈舟橫塞梗道若拒守者尚藩以為鄉人助逆大怒下令蕩勦秉義惻然曰平洲民素奉法奈何罹此毒也慨然以死爭之即飛書與鄉人勿驚散并具酒食聚丁壯以待秉義乘小舟載長纜至則督眾去沈海船時丁巳四月十七日也回白尚藩藩意解平洲以安鄉人立徐侯祠於大墟歲時祀之

據林繼禹撰徐侯祠碑記修

胡雲容浙江德清舉人康熙二十八年令南海在任凡十二年時撤藩後民困未蘇又邑中旗民雜處號難治雲容寬猛互用非有死罪概取而輕之冰雪自矢不受民間一錢而民相與告誡輸賦惟恐後蓋以撫字為催科者

據梁佩蘭撰吳志序修

江之煒字原閻康熙丙子舉人授南海令案無留牘獄多平允改知元和縣

據福建通志修

宋瑋字西崖四川成都人康熙乙卯舉人選授南海知縣培

植人文惠愛黎庶粵省多大盜瑋盡心捕緝羣盜斂迹循聲

著聞上官交章薦內擢離任百姓罷市塞門瑋不能行督撫

題奏留任三載後升湖南寶慶知府洵升廣東按察使司因

病乞休回籍不復出年八十四卒

據四川通志修

蔣迪字濟川福州人康熙丁酉舉人初任博羅繼任永安再

調南海皆有聲以足疾告歸

據福建通志修

徐與蕃華亭人乾隆四十四年令南海明敏愛民時李湖撫

粵治盜嚴九江為盜逋逃藪湖檄將弁急勦兵登舟與蕃曰

九江民數萬豈盡盜耶大兵至玉石俱焚矣走白撫軍請撤

兵乃督鄉人縛盜魁置之法盜風遂息民至今頌之

據南海志修

唐錚者貴州遵義人也令南海以廉潔稱案無留牘鄉民赴

訴者坐堂皇判之獄具放歸日猶未昃也嘉道之間言循吏

必稱唐公云

據南海志修

龔鯤字北海以舉人令南海蒞事明敏獄無株連時崇安縣

民吳明三賈於粵夜有盜入室攫金殺明三及其女子僕婢

共四人妻戴氏以卧他室獨不死眾疑其姦拷掠具獄鯤察

其情可疑乃虔禱城隍神命求盜者迹之羅浮則盜首林二

已為黃冠矣擒之歸一訊具服戴氏得釋一時稱為神明然

鯤以才能受知歷宰赤繁擢守大郡而善政獨在南海多卓

卓可傳蓋不止吳氏一獄也

全上

王聯晉四川籍江南人由廕生歷大同守左遷佛山同知時

新設同知鄉慮紛擾聯晉至以簡靜為治嚴關防絕請謁留

書役數人餘悉遣歸曰吾欲與民相安於無事若輩且去教

民繕道塗修棚閘盜賊屏息奸蠹不容甫三載卒於官民思之不衰據佛山舊志修

黃興禮號敬堂江南休甯人由貢生乾隆四年任佛山同知潔已愛民百廢具修尤以興文教為己任捐俸倡建義學設講堂築學舍延師教育課日必親至與諸士講習鄉內文風丕振及去士民攀留山長林本仁為記去思焉據佛山新志修

楊楷字士標號桂林雲南建水縣人由監生歷任山東知縣擢同知乾隆六十年署佛山同知時大江石灣何德廣馮善宏各滑匪謀劫佛山而鎮內兵差鄉夫多通匪楷廉得其情請於總督覺羅長公撥兵數十親率兵差往捕盡獲置于法鄉及鄰堡以安在任廉於自奉勤於聽訟夜微行五鼓始休以靈應祠旁祀北帝先人非體捐俸倡建後樓專祀焉工竣

鄉內祝神釐者皆懸官清民樂燈籠以頌其德復以柵下義學將圯且地氣卑濕遷於署左改為佛山書院規模有加焉嘉慶己巳洋匪焚劫瀾石將逼佛山紳士赴省求援適楷在省總督百公委楷率兵礮以往賊聞風遁去旋以老病乞休後卒於福建第四子官署歸櫬過佛山鄉人思其遺愛咸賻焉楷微時遇粵東人鄭德讓助貲援例得官及官粵時厚報之全上

古大鯤字功鰲鶴山人為諸生食餼有聲接人以和而視履端謹以歲貢敘選南海訓導從學者甚眾立學約八則顏其齋曰課勤作課勤齋說其略曰生人之要務勤而已矣心不勤則昏身不勤則弱不勤於己無以立躬不勤於人無以濟世余中年瘠甚而終保遐齡蓋役於利者溺志薰心役於理

者培元葆性勤固無負於人也向例科歲兩試補諸生者初見必有贄以貧富為差大鯤槩弗較多寡終歲所得偽金積而投之於江曰無誤後人也嘉慶庚申應鄉試

欽賜舉人年九十一卒

據鶴山縣志修

稽會嘉浙江人由黃鼎巡檢調任九江主簿乾隆甲寅西潦漲甚堤決李村基及漁婢潭等二十二處方伯陳暨太史溫汝适議通修之以會嘉勤慎著命董斯役日往隄所監督夜復會營員防盜又以圍內渠港與南石兩鄉水竇蓄潦不通慮防春耕乃先捐俸倡題疏復始獲稼穡堤工既畢於李村新隄種榕夾道民庇其蔭比之甘棠時南村禾乂基隄身庠薄且當洪流為五險最陳方伯議於通修外特令運石築壩以護舊隄會嘉獨任其勞復施錢鑄二鐵犀置隄旁厭之是

役也自甲寅至戊午凡歷五載心力俱瘁積勞成疾欲告歸而士民籲大府乞留旋以母憂去官乃祀於圍廟之東偏會

嘉循聲藉藉茲錄其利民之久且大者

據南海志修

毛對廷江西金谿人初為惠郡巡檢有廉聲由卓異調五斗口司巡檢益厲清操不因官卑少貶介節以佛山五方雜處

獨勤譏察漏下三鼓猶徒步衢巷中聽訟明決導民以仁厚民稱為毛青天以老病休去合境如失慈母

據佛山舊志修

趙培大興人乾隆五十二年為神安司巡檢性仁慈廉潔自守下車日胥役指陳陋規培正色責之悉革去官雖卑以興

文教為任聘名師主溪山書院屢詢學徒勤惰必加獎勸嘗獲盜問曰汝真盜耶盜不忍欺培曰此人可與為善賞錢五百勸令改行是時丙午丁未連歲大饑有典商罪當懲罰輸

二十金即以散賑赴賑者千計培曰吾力何能濟將為富民倡耳因而出粟賑者頗眾蒞任一載以病去攀轅者至塞道

云據南海志修

楊交泰江南無為州人順治七年從征入粵知番禺縣精明廉恕蒞任三載人頌神君時夫役浩繁軍需交迫交泰嘗自矢曰我年五十無子所不恤吾民者絕其嗣人咸德之據郝通志

修

何志本大興人由貢生康熙初任番禺令時軍興旁午閭閻窮苦志本至備極撫循省刑罰蠲火耗免徭役兵征有所需索竭力籌辦以應民愛戴之罷任後聞家園灰燼無以為歸士民籲留寄籍菱塘率眾捐貲置屋城東居之買田資其贍

養據嶺南詩選小傳修

高去修山西甯晉人順治己丑進士康熙七年知番禺縣性伉爽以民事為重因介直去官貧不能歸有扶助者分毫不取據阮通志

李文浩鑲紅旗人康熙二十年知番禺縣壬戌

詔除尙之信諸苛政凡佔奪田畝民居勒索渡稅魚課私抽重斂文浩皆奉行豁免人樂利之是時文廟大成殿久未修葺文浩鳩工新之又于清水濠街重建番山書院以教多士值參議蔣伊建嶺南義學晦翁穗城兩書院知府劉茂溶建珠江義學更興復廢墜者十數所於是誦讀之聲里巷相接海濱鄒魯斯時為最據郝通志

秦桂山西翼城人康熙三十一年由歲貢知番禺縣事圖甲多混賦役每不平桂為按稅勻攤民無苦累至今德之據番禺縣

志修

李紹膺江都人由監生選授知縣乾隆九年以才能調知番禺性和藹為政平恕以禮待士簞簋自飭民稱頌之蒞政三年以病去十八年復任新會縣

據阮通志修

任兆駿字翔林山東聊城人乾隆三十年由新會調知番禺至即嚴飭吏役事有病民者亟除之勤惠明敏不著循聲三月而卒民悲悼之

據番禺志修

孔興璉字彝仲山東曲阜舉人康熙五十七年任鹽法道與璉先以二十五年知番禺縣時吳逆初平郡邑蹂躪興璉力肩繁劇多方撫飭民賴以蘇縣志創自萬厯壬子厯六十年未有繼事者乃聘延名宿編摩以存一邑文獻任鹽法道時以鹺政流弊綦重前任程大畢洗革一清奏定引七帑三之

例粵商稱便乃踵而行之其額引積滯者則於戶糧兼派攤

撥勻銷調劑合宜僉謂媲美大畢云

據番禺志修

趙長民陝西興平舉人乾隆十八年任番禺勤于民事聽訟每至夜分飲食俱在公庭和顏靜氣愛民盡言吏役不敢為奸虐恩威並濟調揭陽輿民如失父母

全上

凌存瀉字鯤游上海縣學生員肄業成均筮仕得府同知掣籤廣東試用署番禺時有馮某兄弟僦張某屋奉母同居一日以小故相詈馮不能勝則訟言張毆其母往驗無傷遣出越數日忽言傷重殞命驗之仍無傷痕而得服毒死狀僉謂馮鳩母以陷張矣存瀉意小嫌不至此問馮家尙有何人云弟有二子皆童卯召至內署緩詞問之則云大母素苦腹痛近得一方酒沖鴉鴿糞可療飲之經宿死存瀉悟曰此鴉食

斷腸草糞中有毒其母適中之耳破械出之有巡撫吏訟佃戶欠租訊之無實乃吏利其產欲占之存瀉勃然曰此風不可長即重笞之而告於巡撫岳溶岳曰凌君洵健吏立命革

役荷校以徇省城肅然後請終養歸

據潛研堂文集修

張錫蕃字鶴笙元和人由監生捐縣丞分發廣東署番禺縣黃埔村有匪走私大吏遣錫蕃率兵勦之錫蕃戒兵不得登岸獨親入召父老諭令緝送要犯數人大吏震怒錫蕃力言村多良善玩法者只數人耳一鄉盡勦累無辜願免官大吏知其誠許之村人獲保全尸祝之其他惠政多類此後擢山西河東鹽法道勦賊殉難奉

旨賜卹嘗批訂洗冤錄重刻之

據采訪冊修

翁宗藩字建封惠來人雍正乙卯舉人乾隆二十五年選番

馬縣教諭居心誠樸待士以禮齋舍蕭然洒如也嘗出教曰東脩謁師禮也然為諸生多貧必責豐贄是邴根矩終不得見師孫崧鄭康成終不得見馬融也其勿計士以此樂親之

全上

莫元伯字臺可號善齋高要舉人嘉慶十三年大挑二等銓授番禺縣訓導十七年截取知縣以母老辭在任七年疾歸卒于家元伯宏獎士類樂而忘疲條陳章程上督學盡除積弊課諸生親校藝指示誘掖諸生成奮每課常百十人丁祭諸生不煩胙亦不親祀事元伯特召集諸生講習禮儀捐俸加胙遍及諸生四方聞風來學歲常數百人學舍至不能容一時受業者多所成就平生重然諾無偽語人亦不忍欺布政司曾煥學使程國仁彭邦疇咸敬異元伯每接見談論終

日而元伯語不及私歿後兩郡生徒咸造廬哀奠會葬為近所罕見著有四書講義讀史摘要四書史證柏香屋詩鈔等書同治三年十二月奉

旨入祀肇郡鄉賢祠據肇郡鄉賢錄采訪冊參修

婁君玉京衛人為番禺縣菱塘巡檢康熙二年沙灣賊周玉

李榮因遷海作亂事平上官令開報賊黨姓名君玉屬鄉民

曰此身可戮此民必不可枉力為分別一人不使株連賴以

保全者無算據大清一統志修

李藻河南祥符人雍正七年由吏員授菱塘巡檢十一年遷

番禺丞性嚴厲勤于民事宵小屏息境內帖然後擢知縣據番禺縣志修

番禺縣志修

南海李徵爵分纂

番禺周熾皋初校

番禺史悠履再校

南海顏以湘三校

番禺史悠泰四校

廣州府志卷一百八終



